

姚秦三藏法師鳩摩羅什奉 詔譯

明廣陵傳戒後學沙門寂光 直解

菩薩心地品之上

○三釋十向義 一初標牒問詞 二正解其義

○初標牒問詞

盧舍那佛言。千佛諦聽。汝先言。金剛種子。有十心。

此聖主世尊。告當機佛。誠聽牒問。詳說十迴向心。

義謂。前住行菩薩。以起大悲度生。必迴住行所修。

善行。向於三處。一者所證真如實際。二者所求無

上菩提。三者所度一切眾生。以能迴之心。及所迴

善行。向彼萬類。圓滿梵行。等入法界故。又云迴事

向理。迴小向大。回因向果。以事理圓融。小大無礙。

因果不二故。又云迴真向俗。回智向悲。以真俗互

融。智悲不二故。此之二法。即上三種迴向之義。言

金剛種子。有十心者。謂此十迴向心。觀智妙行。最

堅最利。一切煩惱。所不能壞。而能壞諸惑業。所以

十迴向心。名金剛種也。

○二正解其義十

○初信心位

若佛子。信者。一切行以信爲首。眾德根本。不起外道邪見心。諸見名著。結有造業。必不受。入空無爲法中。三相無無。無生無生。無住住。無滅滅。無有一切法空。世諦第一義諦智盡。滅異空。色空。細心心空。細心心空。故信信寂滅。無體性。和合亦無依。然主者我人。名用。三界假我。我無得集相。故名無相信。

此釋信心迴向義也。別經云。救護眾生。離眾生相。

卷之二十一 經論要義

一

卷之二十一 經論要義

二

回向。謂以無想心。常行六道。而入果報。受而不受。故若佛子。標人信者。標法一切行。至第一義諦智盡一節。正明佛子信心體用。中道觀智迴向之義。言一切行等者。謂始從初住。終至妙覺。時歷三祇。修圓萬行。一切眾德。若非初具正信。首立根本。必爲空有魔外所折。以是信力堅忍。而後發起種種妙行。是以信爲能起一切行。爲所起。繇能起之正信。發所起之妙行。繇所起之妙行。證無證之妙果。所以信乃入道之源。功德之母。故云一切行以信。

爲首。眾德根本也。不起外道邪見心者。申明信空
諸有爲法也。外道有九十六種。六十二見。此外邪
見。繇無正信。乃於無名。無相。無我理中。妄起種種
顛倒。今旣立根本正信。除疑捨執。則諸邪見永無
所起。故云。不起外道邪見心也。諸見名著者。出本
邪見之義。謂諸凡夫。著有。外道執常。二乘著空。外
道執斷。凡此諸見。皆名爲著。凡有著處。正難破除。
自然結集有漏之因。造諸惡業。而受惡業之果。今
此佛子。旣以正信。植眾德本。則所起空觀假觀中

觀。妙三觀門一照。即使惑障頓空。惑障旣空。業障
從何而有。業障尙不可得。豈有報障可受。故云。結
有造業必不受也。入空無爲法中。三相無無者。申
明不受之義。上言業障報障。必不受者。乃佛子信
智現前。了無能造業者。無受報者。故全身已入空
無爲法中。不被有爲法縛。而能了生住滅。三相無
動無到。故云。三相無無。言無無者。三相是所破之
無明。無無是能破之觀智。所破旣無。能破亦無也。
無生無生等者。申明信空諸無爲法也。謂不但三

相無無。并無有爲無爲諸法。卽此無爲法中。諸無
爲法亦不可得。重言無生等者。上無生是空盡有
爲所證之理。下無生卽遣上能證無生重空之智。
言本自無生。何假更立無生。然後說名無生。故云
無生無生。無生之義如是。無住住。無滅滅之義亦
復如是。無有一切法空者。承上既有爲無爲。一切
諸法。本自無有。悉皆空寂。是則無法可空。故空亦
不可得。此總結遣眞俗二諦之理。無所得空。故云
無有一切法空。世諦第一義智盡者。此總結遣眞

俗二諦之智。亦無世諦智能空有爲諸法之智。第
一義智能空無爲諸法之智。盡者盡二智也。謂不
但所空有爲無爲二諦之理不可得。卽能空有爲
無爲二諦之智亦盡無餘。所謂無智亦無得也。滅
異空。色空。至和合亦無依一節。申明信心迴向之
義。滅請除滅。卽能滅之觀智。異空色空。卽所滅之
色法。所謂凡夫執色迷空。二乘執空迷色。分爲兩
極。是故十住修空觀破凡夫執色迷空。十行修假
觀破二乘執空迷色。今十迴向菩薩。以修法界平

等觀智。圓照法界。俱滅除異空色空。有爲無爲同
異見故。此於五蘊中。而空色蘊。所謂色不異空空
不異色。色卽是空空卽是色此也。細心心空等者。
此明所滅心蘊之法亦空。謂上異空色空。二相旣
空。則能滅異空色空細心之心。此心亦空。故云細
心心空。又不但細心之心念亦空。卽空上細心之
心。其心亦不可得。故云細心心心空也。圓覺經云。
遠離爲幻。亦復遠離。離遠離幻。亦復遠離。得無所
離。卽除諸幻。卽此義也。信信寂滅無體性者。申明

心境俱空。智理雙泯之義。上信是能信之心智。下
信是所信之理境。以是心境智理。二俱寂滅。以無
體性。故云信信寂滅無體性也。此寂滅心。從無始
來。不與動對而寂。不與生對而滅。所謂寂滅性中
莫問覓也。和合亦無依者。承上諸法旣無體性。是
卽能信所信。以成和合。了不可得。彼此能所和合。
依誰而立。故曰和合亦無依。所謂波旣不存。毛將
安附也。然主者下。總結無相信心迴向之義。然之
一字。喚轉文勢。謂諸凡夫外道。皆從我與人安名。

立用。以是我人名用之閒。自爲分別。爲和爲合。和合之處。立我爲主。以爲我有得相。我有集相。今既佛子所信。至於無依。是則了知我人名用之相。皆是三界假設。和合妄立。爲我主宰。其體不實。豈無我無法中。而有修證可得。智聚可集哉。故曰。我無得集相故。是以深信深入。無得無集。無我智理。是名佛子無相。信心體用。所當回向者也。

○二念心位

若佛子。作念。六念常覺。乃至常施第一義諦。空無著

卷四至直釋卷七之二

六

無解。生住滅相。不動不到去來。而於諸業受者。一合相迴向。入法界智慧。慧相乘乘乘寂滅。燄燄無常。光光無無。生生不起轉易空道。變前轉後。變轉化化。化轉轉變。同時同住。燄燄一相。生滅一時。已變未變。變化亦得一受亦如是。

此釋念心迴向義也。別經名不壞回向。謂觀一切諸法有受有用。念念不住故。若佛子作念標定。六念。至入法界智一節。正明佛子念心體用。中道觀智迴向之義。言作念者。作謂起作。念謂明記不忘。

乃系系口角矣 二之二

二

六念等者。此申明作念意。問言作念者。作何等念。答謂卽念佛。念法。念僧。念戒。念天。念施之六念也。常覺乃至常施。此舉首尾二念。是超略義。該中四也。言常覺者。卽念佛也。依涅槃經。六念釋之。念佛者。謂念諸佛十功德品。具足十力。四無所畏。大悲三念。常樂我淨。是故得稱如來。常無變易。名大沙門。名大法師。名大導師。乃至婆伽婆。是名菩薩摩訶薩。念法者。謂念思惟諸佛所可說法。最妙最上。因是法故。能令眾生得現在果。惟此正法。無

有時節。法身所見。不生。不出。不住。不滅。不始。不終。乃至諸佛所遊居處。常不變易。是名菩薩摩訶薩。念法。念僧者。謂念諸佛聖僧。如法而住。受持正法。隨順修行。不可覩見。不可捉持。不可破壞。無能撓害。不可思議。一切眾生。長祐福田。雖爲福田。無所受也。乃至常不變易。是名菩薩摩訶薩。念戒者。謂念諸佛菩薩。思惟有戒。不破。不漏。不壞。不雜。雖無形色。而能護持。雖無觸對。善修方便。可得具足。無有過咎。諸佛讚歎。是大方等。大涅槃因。乃至

諸佛妙寶勝幢。若住是戒。得須陀洹果。我亦有分。非我所欲。何以故。不能廣度眾生故。若住是戒。則阿耨多羅三藐三菩提。我亦有分。是我所欲。何以故。當爲眾生廣說妙法。而作救護故。是名菩薩摩訶薩念戒。念天者。謂念四天王處。乃至非非想處。若有信心。得四天王處。我亦有分。若戒多聞。布施智慧。得四天王。乃至非非想處。我亦有分。然非我所欲。何以故。四天王處。乃至非非想處。皆是無常。以無常故。生老病死。以是義故。非我所欲。譬如幻。

卷四百五十四 卷之二

253

化。証於愚夫。智慧之人。所不能惑。愚者。卽是凡夫。我則不同。凡夫愚人。我曾聞有第一義天。乃至常不變易。以常住故。不生不老不病不死。我爲眾生精勤。求於第一義天。能令眾生。除斷煩惱。猶如意樹。若我有信。乃至有慧。則能得是第一義天。當爲眾生廣分別說第一義天。是名菩薩摩訶薩念天。念施者。謂念深觀此施。是菩提涅槃因。諸佛親近。我亦如是親近。若不惠施。不能莊嚴四部之眾。施雖不能。畢竟斷惑。而能除破現在煩惱。乃至諸佛。

卷四百五十四 卷之二

254

菩薩修集是施。爲涅槃因。是名菩薩摩訶薩。念施也。如是常覺。乃至常施。雖則名有六念。而於第一義空。中道理中。實無有念可執著者。實無有念可解脫者。何以故。有縛有解。皆是生滅。無著無解。無生無滅。以無縛無解故。則無生住滅相之念法。以無生住滅相之念法故。是則本元不動。本元不到。既本元不動。不到。則亦無去。無來。無來則無動相。覺其有生。無去。則無到相。覺其有滅。如是不動不到。無去。無來。是故無有生住滅之三相。作業受報。

北齊聖皇經卷之三十一

一切皆空。能於諸所作業。并受業者。爲一合相迴向。入法界智也。一合相迴向者。其爲念心。無能無所能。所無二。無縛無解。縛解無二。無生無滅。生滅無二。無動無到。動到無二。無來無去。來去無二。無業無報。業報無二。是爲一合相迴向也。入法界智者。入卽趣向之義。法界卽十法界。乃一切眾生本有之心。一切諸佛所證之理。所謂心佛眾生三無差別也。智卽能證法界平等之智。迴二諦理。向入法界平等之理。迴二諦智。向入法界平等之智。以

北齊聖皇經卷之三十一

法界智契法界理。以法界理。消法界智。智理圓融。
無有迹象。入法界有三處。因諸菩薩。根有利鈍。行
有淺深。以所入不同故。一者。十住初心。以利根者。
能破無明。即得證入法界平等之理。得不退轉。二
者。十向終心。眾行純熟。破除二障。故得證入法界
平等之理。三者。初地初心。於前行。向十功德品具
處。至於初地初心。證入法界。三德圓融。三身自在。
是名三處證入法界。此是第二終心入法界也。慧
慧相乘。至生滅一時一節。申明一合迴向入法界。

義慧慧相乘。即智乘乘寂滅。即理由入法界智故。
轉六念之慧乘。入法界之慧乘。轉六念之理乘。入
法界之理乘。所謂廣大如法性。究竟如虛空。窮未
來際。無有間斷故。燄燄無常。光光無無。此二句者。
乃即智慧破惑之象。燄燄光光。即能滅之智慧。無
常無無。即所滅之無明。菩薩智慧如火之燄。眾生
煩惱如薪之燒。以智慧燄。燒煩惱薪。淨盡無餘。如
火之燄。能燒大地草木。淨盡無餘。又以菩薩智慧
如火之光。眾生無明如室之暗。以智慧光照無明。

暗。無幽不燭。菩薩以中道觀第一義空。破無明惑。無障不除。無理不顯也。生生不起等者。既是欲欲無常。光光無無。是則生而無生。起而不起。是以無生無起。卽轉易空道也。言轉易空道者。卽迴向義轉。卽轉迴易。卽易向。轉無明易真如。轉煩惱易菩提。轉生死易涅槃。惟其轉易如此。是以轉而不轉。不轉而轉。故能變前轉後等也。變前轉後一句。卽轉滅相無明爲不滅相。變轉化化一句。卽轉住相無明爲無住相。化轉轉變一句。卽轉生相無明爲

無生相。不云轉異相者。正是本位所破。故不言也。同時同住等者。釋承四相相依而有。同一覺故。所以欲欲一相。生滅一時。欲欲一相。始本無二。同一覺故。生滅一時。四相平等。猶若交蘆相依而立也。已變下等五句。此又統結生住異滅。四相平等。三覺無二。言已變者。卽過去生滅也。言未變者。卽未來生滅也。變變者。卽現前生滅也。化亦得一者。例上結之。雖云三世迭遷。以法界智照之。實無動到。去來四相平等。故云化亦得一。所謂纔生卽有滅。

不爲愚者說也。受亦如是者。承上既三世所變生滅之法亦得一。是則能覺生滅之心亦得一也。故云受亦如是。如是念心。是乃佛子無相念心之迴向也。

○三深心位又云迴向心位

若佛子。深心者。第一義空。於實法空。智照有實諦。業道相續。因緣中道。名爲實諦。假名諸法。我人主者。名爲世諦。於此二有諦。深深入空。而無去來。幻化受果。而無受。故深深心解脫。

法苑珠林卷之三十一

三

261

此釋深心迴向義也。別經名等一切諸佛迴向。謂三世佛法。一切時能行故。若佛子。深心者。一句標定。第一義空。至下深深入空一節。正明深心迴向。言深心者。非對淺而言也。乃是最深之深。故名深心。第一義空者。卽一眞法界。大空之理。於實法空。智者。卽一眞法界。大空之智。以法界智。入法界理。理智圓融。法界無礙。卽以法界理智。而起慧照。照有實諦。有卽俗諦。實卽眞諦。然此眞諦。非離俗諦之外別有。乃卽業道相續。無明老死十二因緣。於

法苑珠林卷之三十一

三

262

其因緣和合法中。本來不遷不變之道。名爲實諦。
業道卽第八賴耶識。名爲業相。相續卽第七末那
識。名爲相續。總該三細六粗之法。因緣卽三細六
粗。生滅和合之稱。所謂無明不覺生三細。境界爲
緣長六粗。又云業道卽身口意所作善惡行業。謂
此諸業之因。致受生死諸業之果。道卽道路。能通
之義。謂此三道更互相通。從煩惱通至業。從業通
至於苦。從苦復通至於煩惱。展轉相通。生死不絕。
是爲業道相續和合因緣之法。繇是因緣和合假

名諸法。致使凡夫外道妄計我人。執爲主者。名爲
世諦。世諦遷流不實之謂。菩薩於此二有諦。深深
入空。二有諦者。卽上真俗二諦。所言真諦。亦名有
諦者何。對俗言真。立真遣俗。俱屬對待。卽非真真
故亦名有諦。所謂言妄顯諸真。妄真同一妄也。又
二有者。有卽本有。真常不變。故亦名有。所謂是法
住法位。世間相常住故。又云因緣所生法。我說卽
是空。亦名爲假名。亦名中道義。此也。深深入空者。
申明深心迴向之義。承上菩薩以法界智照真了

真照俗了俗於此二諦了無二法合爲一理深深
迴向。一真法界平等大空之理故云深深入空所
謂真不立妄本空有無俱遣不空空者此也而無
去來等者此總結承深心迴向之義既於此二有
諦深深入空而空理中自無生滅去來幻化受受
果報而無受受幻化之果報故是名深深心解脫
也又深深心解脫者聲聞修生滅四諦法證人空
理名淺解脫緣覺修無生四諦法證法空理名深
解脫菩薩以法界智卽觀空假不二真俗互融深

之又深故云深深心解脫也。

○四達心位

若佛子。達照者。忍順一切實性。性性無縛。無解。無礙。
法達。義達。辭達。教化達。三世因果。眾生根行。如如不
合不散。無實用。無用。無名用。用用一切空。空空照達
空。名爲通達一切法。空空空如如。相不可得。

此釋達心迴向義也。別經名爲至一切處迴向。謂
以大願力。入諸佛土。供養一切佛故。若佛子。達照
者。標定忍順一切實性。至教化達一節。正明達照

體用中道觀智迴向之義。達。卽通達。照。卽明照。謂
通達事理。照了無礙。二義合言。故云達照。此卽能
證之智。忍順一切實性者。此卽所證之理。忍。卽忍
可忍證也。順。卽隨順無違也。以是忍證法界之理。
順隨法界之性。故能了達一切諸法之性。皆卽法
界真實之性。故云忍順一切實性。性。性。無縛。無解。
三句承上。旣觀一切法性。皆法界性。卽此一切法
性之性。本自如如。本來無縛。本來無解。無縛。卽無
生死。無解。卽無涅槃。經云。一切眾生皆卽涅槃。本

法苑珠林卷之三

三

267

來自滅。不復更滅。以是情與無情。一體無差。本來
清淨。故云。性。性。無縛。無解。無礙。法達等者。申明達
照之義。上明觀照諸法。體性無差。此明觀照諸法。
相用不異。無礙二字。貫下法達。義達。辭達。教化達。
四種無礙智也。法達者。卽法無礙智。謂得此智。卽
能通達世出世間。一切諸法名字差別。分別演說。
無滯礙。故。義達者。卽義無礙智。謂得此智。卽能了
知一切諸法差別名字。義趣妙理。隨順宣揚。無滯
礙。故。辭達者。卽辭無礙智。謂得此智。能於諸法名

法苑珠林卷之三

三

268

字義理。隨順一切眾生種種根性。殊方異語。爲其
演說。能令眾生各各得解。辨說通達。一切法性。無
滯礙故。教化達者。卽樂說無疑智。謂得此智。卽能
隨順一切眾生種種根性。所樂聞法。而爲說之。通
達圓融。無滯礙故。三世等者。詳釋上義。言三世因
果者。卽釋上法達義。謂此佛子。於諸法中。了達過
現未來善惡之因。卽感過現未來苦樂之果。是以
三世因果。相續無窮。一一了故。眾生根行者。釋上
辭達教化達二義。謂諸眾生根行。有貪瞋癡等業

繫苦眾生。有戒定慧等解脫樂眾生。而諸眾生。有
利根鈍根者。有非鈍非利者。有善性惡性者。有非
善非惡者。種種根性種子差別。而起種種現行差
別。菩薩觀根逗教。一一通達方便說故。如如不合
不散。此三句者。總釋上三種義。謂卽了達三世因
果。眾生根行。世出世間。生滅染淨。一切諸法。皆如
如相。本無三世因果。本無眾生根行。本來平等。不
合不散。無生無滅。不合卽無生也。不散卽無滅也。
故名如如不合不散。無實用等者。展轉釋明無合

無散之義。謂既了達無合無散。卽一切法當體本
空。何有實用。是故無實用也。無用。無名用。用用一
切空者。蓋謂實以名顯。名得其用。其名其用。依實
而立。既無實體。則無實用。既無實用。則無有名。名
實二用。皆是假立。各無自性。各無自相。一切皆空。
本自如如。何有其名。何有其用。所以用用一切空
也。空空照達空者。謂以所照諸法。既無實體。無有
實名。則此能照觀智。亦無照無達也。名爲通達一
切法空者。以是空空照達空故。是故名爲通達一

切法空。經云。若人通達無我法者。如來說名眞是
菩薩。此也。空空如如。相不可得。此二句者。總結無
相照達迴向之義。空空卽法界理。如如卽法界智。
以是如理如智之道。離諸名字。言說心緣等相。故
云空空如如。相不可得。

○五直心位

若佛子。直者。直照。取緣神我。入無生智。無明神我空。
空中空空。空理心。在有在無。而不壞道種子。無漏中
道一觀。而教化一切十方眾生。轉一切眾生。皆薩婆

若。空直直性直行。於空三界生者。結縛而不受。

此釋直心迴向義也。別經名無盡功德藏迴向。菩薩恆以常住大法。授與前人故。若佛子直者。標定直照。至無漏中道。一觀一節。正明直心體用。中道觀智迴向之義。所言直照。謂正直照物而無私曲之義。菩薩證入中道法界理智。而起觀照。直照諸法。自他體性。一切平等。無委曲相。是爲直者之直照也。取緣神我。入無生智。此二句者。釋上直照之義。取緣神我。卽第六識分別之我。以能取能緣。故

名取緣。六識名神我者。以二乘人不知有七八識。依六根門頭。六識三毒。建立染淨根本。所以名此六識爲神我也。以阿賴耶人所難測故耳。言入無生智者。謂此十向菩薩。以法界智。觀察無明煩惱。體性本空。將登地時。已離分別我法二執。故云入無生智。無明神我空者。卽第七識俱生所執。自內之我。此繇無明熏習所起。微細難知。至七地後。方捨諸外道執。此第八藏識。謂之自性真諦。二十五諦。以此藏識爲真初諦。故此識非諸凡夫所知。亦

非二乘智慧所覺。謂依菩薩從初正信。發心觀察。若證法身。得少分知。乃至菩薩地盡。不能盡知。唯佛窮了。是以三賢菩薩起真觀解。深觀藏識緣起。雖未頓破無明。亦了緣起體空。故云。無明神我空。空中空者。此釋無明體本空義。謂此般若真空實相體中。卽無明空相。尙不可得。寧有無明相耶。故云空中空也。空空理心等者。此釋照體不空之義。謂上無明之空。卽空有也。空中之空。卽空無也。是空猶被有無可壞。而此空空理心。在有時不滯有。

不被有壞。在無時不沉無。不被無壞。故云。在有。在無。而不壞道種子。道種子者。乃卽菩提道性。金剛種子。以此中道體性。爲成佛眞種子。常無變故。無漏中道一觀。至結縛而不受一節。申明直心體用之功。結顯中道觀智之益。所言不壞道種子者。謂以無漏中道平等一觀。卽以一觀圓照。所以在有。轉有。在無。轉無。而能教化一切十方。執有執無。眾生離有無相。皆轉一切眾生。俱入薩婆若海。平等大空。無餘涅槃。正直之道。所以不被物壞。而能壞。

物。人不能轉。而能轉人。是菩薩。皆以直性直行。自成。成人。入薩婆若也。於空等者。釋直性直行義。菩薩示現受生。往來三界。應緣而來。應緣而去。皆以直性而行。直行。不與法縛。不求法脫。不厭生死。不愛涅槃。無所罣礙。猶若虛空。所謂不如三界。見於三界。故云。於空三界生者。結縛而不受也。

○六不退心位

若佛子。不退心者。不入一切凡夫地。不起新長養諸見。亦復不起集因。相似我人。入三界業。亦行空而不

住。退解脫。於第一中道。一合行。故不行退。本際無二。故而不念退。空生觀智。如如相續。乘乘。心入不二。常空生心。一道一淨。為不退。一道一照。

此釋不退心迴向義也。別經名入一切平等善根。迴向。謂行無漏善善。而不二。故若佛子。不退心者。標定不入一切凡夫地。至亦行空一節。正明不退心體用。中道觀智迴向之義。不退心者。謂不退入一切凡夫地。故一切凡夫。總舉三界眾生。菩薩照破三界見思煩惱等惑。將隣聖地。故此不入。既以

不入一切凡夫地。故則不起新長養。外道諸見。不
但不起長養。亦復不起集因。所謂因窮而果喪也。
雖然示生三界。實非業繫。似有我人。而三界業亦
行空矣。此上總明不退。向下別明不退。其義有三。
一。位不退。二。行不退。三。念不退。不住。退。解脫者。卽
別明位不退。不住之義。謂此菩薩寶位。不同聲聞
之位。住著解脫涅槃。故云不住解脫。問。何名不退。
答。此菩薩於第一義諦中道理中。合行。故得位
不退也。不行退者。卽別明行不退之義。謂菩薩行。

不同四諦還滅之行。有住有退。此達根本菩提眞
如實際。智理一如。無二之行。故得行不退也。而不
念退者。卽別明念不退之義。謂此菩薩之念。不同
念空無相無作。有念無念。分別取捨。此以空生觀
智。照了諸法。皆如如相。是故無念而念。念而無念。
以無念境。是名念不退也。相續乘乘。心入不二。此
二句者。承上謂。乃不但行念不退。且亦不住。以能
相續乘乘。心入不二。言相續乘乘者。謂以行念不
退。毫無間斷。故云相續乘乘。言心入不二者。謂境

智如如故常空生心者釋上相續乘乘我空之義

一道一淨等者釋上心入不二法空之義一道卽

中觀一淨卽空觀是以空而不空能爲不退一道

一照也一道卽中觀一照卽假觀是以二邊不住

中道不立直趨無餘不一大涅槃果海所謂應無

所住而生其心如是在持如是行門如是念心是

名佛子不退心回向之義也

○七大乘心位

若佛子獨大乘心者解解一空故一切行心名一乘

法苑珠林卷之三十一

三三

乘一空智智乘行乘乘智心心任載任用任載任一

切眾生度三界河結縛河生滅河行者坐乘任用載

用智乘趣入佛海故一切眾生未得空智任用不名

爲大乘但名乘得度苦海

此釋獨大乘心迴向之義也別經名等隨順一切

眾生迴向謂觀一切善惡無二相故若佛子等二

句標定解解一空故至智乘行乘一節正明獨大

乘心體用中道觀智迴向之義所云獨大乘心者

謂獨大無外也大卽當體立名就義爲稱乘乃運

法苑珠林卷之三十一

三三

載爲功。廣博爲義。揀非聲聞辟支佛乘。亦非住行
位乘。乃迴向終心。中道大乘也。解解一空等者。正
釋獨大乘心之義。上解卽是能解法界廣大之智。
下解乃卽所解法界廣大之理。以智契理。二俱平
等了無能所。故云解解一空故。一切行心名一乘
者。謂卽以此法界理智而起法界行心。是故一切
之行卽法界行。一切之心卽法界心。故云一切行
心名一乘也。乘一空智等者。此釋智行雙運之義。
謂乘一乘之空智故。而顯乘一乘之空理也。以一

乘空理故。而起一乘空行。繇一乘空行故。而運一
乘空理。若非乘一乘之空智。斷然不能破眾生堅
固之迷。非乘一乘之空行。則亦不能成眾生真實
之德也。是故智起惑亡。行興道成。以是智行雙乘。
廣化眾生。到涅槃城。無諸難事。如鳥二翼。一舉萬
里。亦如目足相資。直抵中堂。故云乘一空智。智乘
行乘也。乘智心心。至趨入佛海故。一節申明獨大
乘義。乘智心心。任載任用。此二句者承上繇乘大
乘空智。故能堪可心心大乘。任載任用。而任意運

爲也。云任載者。謂任一切眾生度三界河。并結縛
河。生滅河也。一切眾生。總舉凡聖。權小而言。言度
三界河者。度卽度脫。三界卽欲界。色界。無色界。河
者。漂流沒溺之義。以諸凡夫。沒溺愛河。不得出離。
今令乘此大乘。得出三界。不致沒溺故也。結縛河
者。此度外道。見使執縛。以諸外道。有種種邪見執
縛。是故不得出離生死苦海。今令乘此大乘。得解
脫故。生滅河者。此度二乘生滅知見。以二乘人。生
滅知見未亡。而使乘此大乘。超變易生死故。上明

任載之義。向下明任用義。其任用者。謂此行者。坐
乘大乘。任用任意縱橫。自在無礙。以是能載能用。
皆以一空智乘。而趨入佛海故。佛海卽妙覺果海
也。一切眾生等者。結顯獨大乘心之義。揀別小乘。
不得至此。何者。謂以一切眾生。未得一空智乘。任
載任用。不得名爲大乘。但名爲乘。得度苦海。安住
化城。自善而已。所以菩薩不與權小人同。故名獨
大乘心也。

○入無相心位

若佛子。無相心者。妄想解脫。照般若波羅蜜無二。一切結業三世法。如如一諦而行於無生空。自知得成佛。一切佛是我等師。一切賢聖是我同學。皆同無生空故。名無相心。

此釋無相心迴向之義也。別經名真如相迴向。謂心得自在等三世佛。常照有無故。若佛子等二句標定。妄想解脫。至如如一諦一節。此正明無相心體用中道觀智迴向之義。無相心者。謂無妄想及與解脫分別之心。妄想是生死法。解脫是涅槃法。

生死。即此岸道。涅槃。即彼岸道。以諸凡夫妄想。恆居生死此岸。一乘已得解脫。住著涅槃彼岸。菩薩以般若大智慧。照了生死。及與涅槃。於此無相。般若波羅蜜中。實無二法。故云照般若波羅蜜無二。既了妄想解脫。無二法故。則一切結業法。三世因果等法。皆即如如一諦。無二理也。而行於無生空。至皆同無生空故一節。此申明無相心觀照迴向之義。謂上既了妄想解脫。皆如如一諦。是以不住生死此岸。亦即不住涅槃彼岸。以不住故。而能常

行於無生空。以行無生空故。自知決定信得當來成佛。亦知一切諸佛。是已成佛道者。是我等本源師。一切三賢十聖。是未成佛道者。是我等同學友。何以故。皆同無生空故。所云皆同無生空者。謂諸一切賢聖所修。以修此無生空。一切諸佛所證。以證此無生空。故云皆同無生空故。所以結顯名為無相心也。佛藏經云。釋迦如來因地從過去遠劫時。而以四事供養無量無邊一切諸佛。及佛弟子。無空過者。而此諸佛。皆不記我。汝於來世當得作

佛。何以故。以我有所得故。乃至最後供養普明如來。方始與我授記。汝於來世。當得作佛。號釋迦牟尼。何以故。以我無所得故。無所得者。卽常行於無生空。無生空者。卽無相心也。

○九慧心位

若佛子。如如慧者。無量法界。無集無受生。生生煩惱而不縛。一切法門。一切賢所行道。一切聖所觀法。所有亦如是。一切佛教化方便法。我皆集在心中。外道一切論邪定功用。幻化魔說。佛說皆分別入二諦處。

非一非二。非有陰界入。是慧光明。光明照性。入一切法。

此釋慧心迴向之義也。別經名無縛無著解脫相迴向。謂以般若照三世諸法。是一合相。故若佛子等二句標定。無量法界。至所有亦如是一節。正明如如慧心體用中道觀智迴向之義。所言如如慧者。卽真如之理慧。謂此菩薩將親見真如之道。真如相現前。其智慧心中。明了十界依正等法。互攝圓融。自在無礙。所謂真得所如。十方無礙。所以得

此如如慧者。能於無量十法界中。現身益物。雖現身益物。而無集因。亦無受果。無有生死。無有煩惱。如空谷以答響。實無身心受彼生死。故云無量法界。無集。無受。生也。生生煩惱而不縛者。此二句義。謂不止六凡法所不能縛。卽四聖界。一切修證法門。皆亦無著無縛。言一切法門者。乃卽一切三賢所修行菩提道。一切十聖所觀證真如法。謂此所有賢聖法門。悉皆如是。不著不縛。故云所有亦如是也。一切佛教化方便法。至非有陰界入一節。申

明如如慧心觀照之義。既凡所有一切法門。無著
無縛故。卽能於一切諸佛教化開導方便法門。菩
薩亦皆集在如如慧心之中。融通無礙。豈但諸佛
法門。融通無二。卽入外道一切辯論。一切邪定功
用。一切種種幻化。若魔說。若佛說。若魔見。若佛見。
我能融通。如如慧心歷歷明明。皆以分別入二諦
處。二諦卽真諦俗諦也。於此二諦。究竟無惑。非一
非二。云何非一。謂魔說非佛說。佛說非魔說。魔說
者邪見也。佛說者正見也。故非一也。云何非二。魔

說實非魔說。佛說實非佛說。是故魔說佛說實無
二法。魔見佛見實無二體。故非二也。非有陰界等
者。謂魔與佛。既是非二。何有陰界入耶。所以觀五
陰非五陰。觀十八界非十八界。觀十二入非十二
入故也。是慧光明三句。結成如如慧心體用觀智
迴向之義。承上問。既是諸法一切皆非。是何境界。
答乃卽如如智慧光明。卽此光明照法界性。入一
切法。於本法界。無二別故。如是智慧。如是觀照。是
名佛子如如慧心之迴向也。

○十不壞心位

若佛子。不壞心者。入聖地智。近解脫位。得道正門。明
菩提心。伏忍順空。入魔不壞。眾聖摩頂。諸佛勸發。入
摩頂三昧。放身光。光照十方佛土。入佛威神。出沒自
在。動大千界。與平等地心。無二無別。而非中觀知道。
以三昧力故。光中見佛。無量國土。現為說法。爾時即
得頂三昧。證虛空平等地。總持法門。聖行滿足。心心
行空。空空慧中道。無相照故。一切相滅。得金剛三昧
門。入一切行門。入虛空平等地。如佛華經中廣說。

大智度論卷之三十一

三十一

此釋不壞心迴向之義也。別經名入法界無量回
向。謂覺一切法中道無相故。若佛子等二句標定
入聖地智。至下而非中觀知道一節。此正明不壞
心體用觀智迴向之義。所言不壞心者。其義有六。
故得不壞。入聖地智。近解脫位。得道正門。明菩提
心。伏忍順空。入魔不壞。有此六義。故名不壞心也。
言入聖地智者。謂住行向之三十心名賢地上菩薩名聖。今茲十向終心。所得智慧。即登初地智慧。
故云。入聖地智。近解脫位者。近者。隣也。三賢至此。

大智度論卷之三十一

三十一

相隣初地。將解脫分別二障。故云近解脫位。得道正門者。道卽諸佛達道。此道不偏不邪曰正。門者通也。以初歡喜菩薩得正修行門路。若到此門。一超直入如來覺地。所謂歡喜菩薩覺通如來盡佛境界。今卽十向終心。將登初地。故云得道正門。明菩提心者。明卽了明。菩提心者。華言覺道。亦云道心。具大道心。以成眾生。明了此心。故云明菩提心。智度論云。菩提心有五種。一者十信菩薩。名爲發菩提心。謂此菩薩。於無量生死中。爲求阿耨多羅

三藐三菩提。故。而乃發此大心。故名發菩提心。二者住行。向諸菩薩。名爲伏菩提心。謂此菩薩。折諸煩惱。降伏其心。行諸波羅蜜行。利益眾生。故名伏菩提心。三者初地。至七地諸菩薩。名爲明菩提心。謂此菩薩。觀三世法。總相別相。分別籌量。得見諸法。本末實相。清淨明了。與般若波羅蜜相應。故名明菩提心。四者八地。九地。十地。三位菩薩。名出到菩提心。謂此菩薩。於般若波羅蜜中。得方便力。亦不著於般若波羅蜜。故能滅一切煩惱障。故得見

一切十方諸佛體性。真得無生法忍。出離三界。到
薩婆若海。故名出到菩提心。五者等。妙一。地菩薩
名為證無上菩提心。謂此菩薩。坐於道場。斷諸煩
惱。成就阿耨多羅三藐三菩提。故名證無上菩
提心。此五種中之第三也。謂此十向終心。將登聖
地。明真見道。究竟明了。故曰明菩提心。伏忍順空
者。忍有五忍。三賢菩薩名伏忍位。初地。二地。三地。
名信忍位。四地。五地。六地。名順忍位。七地。八地。九
地。名無生忍。十地等。妙名寂滅忍。此三賢位行滿。

居伏忍道極頂。將登聖地。一切異相無明。現行不
起。亦能隨順於無生空。故云伏忍順空。八魔不壞
者。八魔。一。色魔。二。受魔。三。想魔。四。行魔。五。識魔。六。
煩惱魔。七。死魔。八。天魔也。五陰魔者。亦名五蘊魔。
陰為蓋覆。蘊猶積聚。以集五蘊生滅。使修行人。不
能超脫。名五陰魔。煩惱魔者。即三界中見思煩惱。
一切妄惑。若修行人。為此妄惑。惱亂心神。不能成
就阿耨菩提。名煩惱魔。言死魔者。即身四大分散。
天喪殞沒。若修行人。為此天喪。不能續延慧命。名

爲死魔。言天魔者。乃卽欲界第六他化自在天魔。若修行人勤修勝善。欲超三界生死。而此天魔爲作障礙。發起種種擾亂之事。令修行人不能成就。世出世善樂。因樂果。故名天魔。天魔一種是爲外魔。前七種是內魔。梵語魔羅。華言奪命。又云殺者。謂奪智慧之命。而殺世出世間一切善根。故云魔也。言不壞者。繇是菩薩入聖地智。近解脫位。得道正門。明菩提心。伏忍順空。達妄想。卽真如。了無明。卽佛性。是故八魔不能壞也。以是魔無能壞。故感

眾聖摩頂。安慰其心。諸佛勸發。增進其行。華嚴十迴向品中云。十方諸佛。各以右手摩金剛幢菩薩之頂。加被爲說法主。卽此摩頂之義。是故得入摩頂三昧。卽放身光。而此身光。光照十方國土。卽能入佛威神。形儀如佛。於十方國土中。若出若沒。或隱或顯。自在無礙。以是神變。一時震動大千世界。卽與虛空平等地心。無二無別。而非中觀知道者。謂此菩薩。雖然如是神變。而尙非歡喜地。實證第一義諦。中觀智道。現百佛身。百佛世界。一一徧知

無礙者也。以三昧力。至入虛空平等地一節。申明
加被之義。承上所云。既非初地中觀。知道是何力
也。謂此菩薩。雖非中觀。知道而以諸佛三昧定水
加被力故。亦能於自身光中。得見十方諸佛。在無
量國土中。現爲眾生說諸妙法。以是見佛。得聞法
故。爾時卽得證入頂三昧。而能實證虛空平等初
歡喜地總持門也。總持門者。謂總一切法。持無量
義。瓔珞經云。地名持。卽持一切百萬阿僧祇功德
智慧故。所以證此地者。一切如來聖行功德。悉皆

圓滿具足。以是聖行悉滿足故。而心心行空也。言
心心行空者。卽住行向之三十心。心心分別我法
二執之行。至此悉空。故云心心行空空空慧中道
者。空空是卽所證人空法空三空之理。慧者卽是
能證二空之智。以是如理如智。不卽不離。不一不
二。名空空慧中道。所謂二諦融通三昧印也。無相
照故等者。釋空空慧中道之義。謂以無相中道之
智。而照無相中道之理。無理不顯。無相不滅。是故
一切異生性障等相。滅盡無餘。所謂虛空平等之

地。性德真如之理。圓滿成就。含攝周徧。其量無外。十界差別之相。了不可得。所以無相照故。而一切相滅也。以是障礙滅故。卽得金剛三昧。正受法門。一時現前。緣現前故。能入十地。一切行門。一時具足。是名證入虛空平等地也。此是略說。如佛華經。廣說其義。

○四釋十地義二 初總標問辭 二別解文義
三結讚法門

○初總標問詞

盧舍那佛言。千佛諦聽。汝先問地者有何義。

此能說報佛。召告當機化佛。誠聽。牒前問詞。解說十地菩薩。理智觀行。修證次第之法義也。

○二別解文義十 初體性平等地二 初明斷證義
二正釋其義

○初明斷證義

華嚴疏云。十地菩薩。斷十種障。證十真如。真如體性。實無差別。乃隨勝德。假立十種。雖初地中。已達一切。而所證如。猶未圓滿。令圓滿故。後後建立。又

初地中雖離分別我法二執。但能遠離六識粗惑。猶有七識微細俱生我法二執。尙未空盡。第六分別二執。自初信發心時。修生空觀。至七信位。已斷分別我執。而隨入法空觀。歷三賢位。至初地時。分別法執。亦卽斷矣。第七俱生二執。自初地位。恆住雙空觀中。至第七地後心。方捨藏識。乃至八地初心。卽得無功用行。是則俱生我執現行永伏。俱生法執間起。至等覺後心位。金剛喻定現在前時。一刹那間。生相無明。異熟種子。方始斷盡而無餘也。

其云十地斷十種障證十眞如者何。如初地斷一種異生性障。此障乃從凡夫分別我執現行所起。故名異生性障。並斷二種愚執。一執著我法愚。二惡趣雜染愚。謂此三法。能障初地。斷此愚障。方登初地。此地菩薩。自從賢位。初證理性。始獲法味。證二空理。今二空觀現前。便能永斷愚障。旣斷。能益自他。生大歡喜。名歡喜地。其所證者。名曰徧行眞如。以能徧行染淨法故。菩薩位寄轉輪聖王。廣修慈悲等法。而化導眾生故。華嚴經云。歡喜菩薩於

十波羅蜜中。檀波羅蜜最勝。餘非不修。但能隨力
隨分。下九度義。倣此。

○二正釋其義

若佛子。菩提薩埵。入平等慧體性地。真實法化。一切
行華光滿足。四天果乘用。任化無方。理化神通。十力。
十號。十八不共法。住佛淨土。無量大願。辯才無畏。一
切論。一切行。我皆得入。

若佛子者。標名。菩提薩埵。顯德。入平等地。舉德位
也。每一地有三心。初。加行心。以勇悍力。奮迅不怯。

七引經五字卷之二二二

三三

309

深證真如。而趣入故。中。無間心。以猛利行。承事諸
佛。十方化導。無間歇故。後。解脫心。以無住行。圓滿
菩提。歸無所得。而解脫故。自若佛子三句。標名德
位。以明勝進心義。菩提薩埵。華言覺有情。言有覺
可求。有生可度故。入平等慧體性地者。入。即證入。
平等。即法身理。謂即證入真如平等。不增不減法
身理故。此是心佛眾生三無差別之理。慧乃佛慧。
謂即證入諸佛平等之慧。以故凡所作為。其慧平
等。故云入平等慧體性地。別經名歡喜地。菩薩智

楞嚴經正修卷之二二二

三三

310

同佛智。理齊佛理。徹見大道。盡佛境界。而得法喜。
登於初地。故名爲歡喜地。真實法化等者。標所證
之法也。真者無妄。實者不虛。法謂教法。化謂攝化。
言卽轉此所證。真實平等大法。開化眾生。而轉眾
生成正覺故。一切行華光滿足者。行卽六度四攝。
一切萬行華。卽因華。光卽智光菩薩至此。一切皆
得悉滿足故。四天果乘用者。四天卽須彌山四洲
謂歡喜地菩薩。多作轉輪聖王。掌護正法。能大惠
施。周給孤露。以法化世。能令一切。恆修善行。諸所

作業皆不離於念佛。念法。念僧。統領閻浮提王。七
寶具足。一日一夜。游四天下。故云。四天果乘用。任
化無方者。任意教化。但隨機感。無有方所。故云。任
化無方。理化神通者。如理而化。是何等人。說何等
法。皆與實相。不相違背。以神通力。折伏驕慢。使令
信受。所謂應折伏者。而折伏之。應攝受者。而攝受
之。或慈或威。威令眾生。離苦得樂。故云。理化神通
十力等者。謂不但得四天果德。以行教化。而且更
得如來十種智力。十種聖號。十八不共等法。恆常

住佛淨土。以能隨類現化。淨土有四。合爲三土。此地菩薩。乃住第二受用土中之他受用土也。菩薩住此淨土。廣發無邊弘誓大願。以四無礙辯才。說諸法門。而無怖畏。怖畏總有五種。別有無量。一切皆無。故云無畏。一切論者。卽是四明五明。一切諸論。一切行者。卽十地等妙諸大菩薩。一切之聖行也。我皆得入者。此句總結上文。如是種種法門。此地菩薩。無不通達。故云我皆得入。

生出佛家。坐佛性地。一切障礙。凡夫因果。畢竟不受。

大樂歡喜。從一佛土。入無量佛土。從一劫。入無量劫。不可說法爲可說法。反照見一切法。逆順見一切法。常入二諦。而在第一義中。以一智。知十地次第。一事示眾生。而常心中道。以一智。知一切佛土殊品。及佛所說法。而身心不變。以一智。知十二因緣。十惡種性。而常住善道。以一切智。見有無二相。以一智。知入十禪支行。三十七道。而現一切色身六道。以一切智。知十方色。色分分了起。入受色報。而心心無縛。

此釋住無間心之義。謂上緣得聖智。入聖位。證聖

理。成聖行。是故生出佛家。坐佛性地也。言生出佛家者。謂在佛家而生出也。如摩耶夫人。凡有諸佛出世。則爲其母。羅睺羅則爲子。故云生出佛家。坐佛性地者。謂此菩薩所證真如境界。與諸佛同。平等無差。所謂諸佛法身入我性。我性同共。如來合。如世尊降生時。一手指天。一手指地。目顧四方。周行七步。曰。天上天下。唯吾獨尊。世出世間。此法最勝。故云坐佛性地。一切障礙。凡夫因果。畢竟不受。此三句者。正明斷障之義。既云生出佛家。坐佛性

地。是則一切異生性障。凡夫有漏因果。俱已解脫。故云畢竟不受。大樂歡喜者。既永離一切障礙。卽得出世間心。未曾有法。是故大樂歡喜。所謂分別二障。極喜無也。從一佛土。入無量佛土者。此明身土圓融無礙之義。菩薩既已離障得樂。故能現百佛身。百佛之土。乃至百千億佛身。百千億佛土。於是一處出生。十方齊現。是以身不礙土。土不礙身。塵塵混入。剎剎圓融。故從一劫。入無量劫者。此明時劫圓融無礙之義。謂既能現身現土。是故能以

短時而爲長時。長時復爲短時。如世尊一坐之中。過六十小劫復以六十小劫。如彈指頃。乃至於一刹那際三時轉大法輪者是也。不可說法爲可說法者。此明說法圓融無礙之義。以是真如之法。本無言說。本無名相。但隨眾生機宜巧設方便。而於無名相法。以名相說。無語言法。以語言說。故反照見一切法者。謂此菩薩證佛平等大慧。以反照見從凡夫時。反妄皈真。以始覺智。而滅一切染法。生一切淨法。故逆順見一切法者。卽以平等佛慧見。

本源自性清淨心。因無明不覺。一念妄動。逆真如理順無明流。而滅一切淨法。生一切染法。故常入二諦。而在第一義中者。謂雖常照真諦而不沉空。照俗而不滯有。二諦圓融。了無二相。而恆在第一義中。不卽不離。故以一智至心心無縛一節。廣明住無間心。智體照用之義。旣上入刹入劫。說法智照而恆在第一義中。卽以第一義諦中道理智。而起六種妙智。發明世出世間至善。開示眾生。令入佛地。永離苦趣。故六種妙智者何。一者以此一智。

能入初地了知十地中次第。斷障證真事。雖然位
僅初地而十地中智理業已圓該。故能以十地法
門指示眾生。而常心中道也。二者以此一智了
知一切諸佛國土殊品染淨不一。及知一切諸佛
爲諸染淨國土眾生說諸染淨法門。卽如娑婆世
界佛爲娑婆眾生說極樂世界佛爲極樂眾生說
雖一一了知。而身心未曾變動故。三者以一智了
知無明老死十二因緣生滅始終。亦知一切眾生
三業六根十惡種性差別現行。而常住於善道。四

者。以一切智了見外道執常之有相。執斷之無相。
雖分內外。而於真如性體本無差別。皆與實相不
相違背。同一法性不見有無二相故。五者以此一
智。知入四禪天十禪支之觀行。及權小助菩提三
十七品之道法。而現一切色身隨類現形。入於六
道。使未種善根者令種。已種善根者令其增長。皆
使入禪修道故。六者以一切智了知十方世界依
報正報內色外色分分幻化。了滅生起。入受色報
緣起差別。開示眾生。而心心之際。了無著縛故。

光光照一切。是故無生信忍空慧常現在前。從一地
二地乃至佛界。其中間一切法門。一時而行。故略出
平等地功德。海藏行願。如海一滴。毛頭許事。

此結當地功德。以明解脫心也。光光照一切者。如
是六種智光。其光普照一切世出世間。所有染淨
諸法。當體皆如如相。是故無生信忍。無生空慧。常
現在前。以是常在前故。而得解脫。繇解脫故。從此
一地二地乃至十地。入佛境界。於其中間。一切聖
行法門。一時而能盡行。故略出等者。顯上所說未

能盡言。蓋此平等地功德。其海藏行願。如海甚深
無量無邊。難可具說。此所言者。如大海之一滴。毛
頭許事。至極至微。故云略出耳。

○一體性善慧地 一初明斷證義 二正解文義

○初明斷證義

此地菩薩斷一種邪行障。此障卽所知障中俱生
二分法執。誤犯三業所起。故名之也。並斷二種愚
執。一者微細誤犯愚。二者種種業趣愚。此之三法。
能障二地。斷此愚障。方登二地菩薩。今得增上尸

羅波羅蜜多。性戒具足。遠離誤犯。愚障既斷。故名
離垢地。以所證真如。名最勝真如。此真如性。具無
邊德。於一切法。最爲殊勝。故菩薩位。寄初利天王
假修十善等法。化導眾生。於十波羅蜜中。尸羅波
羅蜜最勝。

○二正解文義

若佛子。菩提薩埵。善慧體性地。清淨明達。一切善根。
所謂慈悲喜捨慧。一切功德本。從觀入大空慧。方便
道智中。見諸眾生。無非苦諦。皆有識心。三惡道刀杖。

一切苦惱。緣中生識。名爲苦諦。三苦相者。如者。如身
初覺從刀杖身色陰。二緣中生覺。爲行苦緣。次意地
覺緣身覺所緣得刀杖及身瘡腫等法。故覺苦苦緣。
重故苦苦。次受行覺。二心緣向身色陰。壞瘡中。生苦
覺。故名爲壞苦緣。是以三覺次第生三心。故爲苦苦
苦。

若佛子。三句標顯名德位。以明加行心之義。善慧
體性地者。善者能也。慧者明也。謂此菩薩。善修清
淨法身平等大慧。名善慧地。別經名離垢地。因中

持戒。梵行清白。體離垢染。名離垢地。清淨明達。卽
善慧離垢義。正明所證所得體用。清淨卽所證法
身理。明達卽能證菩提智。一切善根。乃智用也。所
謂等下。出善根也。何等善根。所謂慈悲喜捨慧也。
慈者與眾生樂。悲者能拔其苦。喜者慶悅自他。捨
者自他解脫。慧者鑿機說法。一切功德本者。如是
五觀。一切諸佛菩薩。六度四攝三身四智無量恆
沙稱性功德。皆以四無量心慧五觀法門而爲根
本。故云一切功德本也。從觀入大空慧者。申明慈

等五觀之義。大空慧者是佛所證甚深無相大空
般若智體圓照法界。心佛眾生三無差別。無苦無
樂。無生無滅。一切眾生迷而不覺。是故菩薩興慈
運悲。拔苦與樂。從此觀入大空慧體。依體所起方
便道智用中。觀見三界二十五有。四生六道十二
類生。迷本大空慧體。認妄緣心。起識分別。造貪瞋
癡殺盜淫等。輕重善惡業。輪墮在六道。輪迴三有。
此等眾生未出三界火宅。六道俱苦。故云無非苦
諦。推其苦諦因緣。皆由六識造業。六識受報。故云

皆有識心。六道之中。三善且置。就三惡道而言。地獄餓鬼畜生。舉受刀杖二境。以例一切極苦逼惱緣中生識。以識未空。故名苦諦。其苦無量。總三苦。攝行苦苦壞苦。如是三苦相者。互為因緣。由過去業。感現五蘊。有漏色身。五陰遷流。四相不停。名為行苦。更加六塵苦境。觸心苦受。相應難堪難忍。是名苦苦。一期壽終。四大將散。難割難捨。是名壞苦。三苦展轉。無有間斷。非大智慧人。不能了知。此三苦相。虛妄不實。初發明行苦相。如者。指定之詞。

謂如身根初覺云何。初覺從外刀杖境緣。內具有情身根色陰。於是根境二緣相觸。其中觸令生覺。此覺未別苦樂。只有隨念而無計度。但名為行苦緣。所以前五識心。為第六明了門。第六識心。為前五分別依。前五識若不照境。第六即無所緣。第六若不續念。前五唯是現量。八識俱得解脫。是故前五根塵識二。總為行苦緣也。次意地覺者。此明苦緣義。謂第六識覺前五識所緣五塵影子。一刹那間。流入意地。送入第八含藏。頓起現行。復緣前

五身覺所緣。得刀杖境加身。及身受刀杖瘡腫等
法故。復覺其苦苦緣。苦中又苦。故云重故苦苦。次
受行覺二心者。此明壞苦緣義。行覺二心。一覺身
受刀杖行苦覺心。二覺刀杖加身之瘡腫等法苦
苦覺心。此又緣向身瘡色陰將欲壞時。從壞瘡中
生苦覺故。是名爲壞苦緣。是以三覺次第生三心。
故爲苦苦苦。三覺三心。一。行苦覺生苦覺心。二。苦
苦覺生覺瘡腫覺心。三。壞苦覺卽生壞苦心。三心
心皆苦故。爲苦苦苦。若有靈根眾生。了知三覺三

苦。妄身妄心。如幻如化。卽不起惑造業。當下永絕
輪迴。雖諸苦故。而卽轉成自覺覺他覺行圓滿。卽
與諸佛菩薩無二無別。上之三苦。以明菩薩觀智
悲心。下之三苦。乃明菩薩現身益物之義。
一切有心眾生。見是三苦。起無量苦惱。因緣。故我於
是中。入教化道三昧。現一切色身。於六道中。十種辯
才。說諸法門。謂苦識苦緣。刀杖緣。具苦識行。身瘡腫
發壞。內外觸中。或具不具。具二緣中生識。識作識受。
觸識。名爲苦識行。二緣故。心心緣色。心觸觸惱受煩

毒時。爲苦苦。心緣識。初在根覺緣。名爲苦覺。心作心
受觸識覺觸。未受煩毒時。是名行苦。遍迤生覺如斲
石火。於身心念念生滅。身散壞。轉變化。識入壞緣。緣
集散。心苦心惱。受念後緣染著。心心不捨。是爲壞苦。
三界一切苦諦。

此釋住無間心。以顯悲心觀行益物之義。一切有
心眾生。卽指四生六道十二類生。揀非無情。所謂
但有心者。皆當作佛。此等眾生皆緣不能了達。此
苦。幻妄非實。見是三苦。反起無量苦惱。因緣造諸

惡業。以致生生死死。死死生。如旋火輪。無有休
息。故此菩薩。於諸眾生。無量苦惱緣中。興慈運悲。
起同事攝。入教化道三昧。示現一切色身。於六道
中。以十種妙辯才。說諸苦集滅道四諦法門。先示
以苦諦相。欲令一切眾生。始知是苦。厭苦求樂。斷
集修道。證滅諦也。何等爲苦諦相耶。謂苦識苦緣
乃至瘡腫發壞等相也。苦識卽前五識。爲第六受
苦門戶。故云苦識。苦緣卽內五根身緣。以身爲眾
苦本。故云苦緣。刀杖緣者。卽外境緣。以境有牽心

業用。故云刀杖緣具字。貫上貫下。貫上苦識根境。
貫下瘡腫發壞等。言具苦識行者。卽行苦緣。身瘡
腫者。卽苦苦緣發壞二字。卽壞苦緣。此總明三苦
相。此三苦相。必具內外觸中。內卽根識。外卽境識。
內外眾緣和合觸中。而成此苦。故云內外觸中。所
謂眼識九緣生。耳識唯從八。鼻舌身三七。後三五
三四。若加等無間。從頭各增一。以有爲法。仗因托
緣。缺則不生。卽是此義。是故或眾緣具而成此苦。
眾緣不具。則此不成。初明具二緣中生識。雖緣卽

根境二。此二和中。前生五識。此識雖生。性非恆一。
有間斷故。不造不受。此苦唯是第六識造業。還是
六識受報。故云識作識受。向下展轉。辨明造與不
造。問何故前五不造。答前五觸識觸令而生。故云
觸識。此識無籌度心。只名爲苦識行。祇具根境二
緣。故不造不受也。與上行苦緣照應。心心緣色等
者。由六識心。此心緣上色陰瘡腫等法。緣一觸一。
心觸心惱。此已深受煩毒時。二苦交煎。故爲苦苦。
與上重故。苦苦照應。心緣識者。此釋造受緣起。謂

六識心緣五識心。初在五根覺緣。刀杖加身。一念未起分別故。只名為苦識。由六識心。不了目前虛幻妄境。反被境風鼓蕩。起心取著。造作業苦。心自領受。故云心作心受。言觸識覺觸者。此言前五觸識。唯覺觸境。未曾深受煩苦毒時。不造不受。是只名為行苦一種。故云觸識覺觸。遍造生覺者。此以法喻。合明釋上心作心受。言造業者。為第六心。緣前五識緣。現逆順影子。一剎那間。流入意地。遍造生覺。心受煩毒。譬如斲石中火。旋斲旋出於身心。

中遷流不停。念念生滅。故云遍造生覺。已上明前五不造。惟第六也。身散壞者。謂命盡時。四大各離。身色散壞。轉變遷化。故令阿賴耶識。隨業牽引。入於壞緣。所謂因緣和合。虛妄有生。因緣別離。虛妄名滅。生從順習。死從變流。臨命終時。未捨煖觸。心苦心惱。惟受最後一念染緣。深染深著。心心念念。不能捨離。是為壞苦。與上壞苦緣。照應如此三苦。為眾苦本。三界眾生。俱未解脫。故云三界一切苦諦。此說苦諦法門。向下明集道滅三諦法門也。

復觀無明集無量心。作一切業相續相連集因集因。
名爲集諦。正見解脫空空智道心心名以智道道諦。
盡有果報盡有因。清淨一照體性妙智寂滅一諦慧
品具足名根。一切慧性起空入觀。是初善根。

此推苦諦之因。令其知苦斷集修道證滅離苦得
樂之義。言復觀者。返推其因。言此等苦。從何而有
謂依無明幻妄所起。故有此苦。其無明者。卽不明
也。以是真如不守自性。一念妄動。生起三綱。不了
前境。增長六麤。故曰無明。因有無明。遂集無量種

種妄想攀緣之心。造作一切諸惡業緣。招引苦果。
相續相連。過去之因。感現在果。現在之因。招未來
果。如是集因集因。以集三界因果。名爲集諦。言正
見解脫者。此說道諦法門也。謂上旣知諸苦。繇依
無明集諦。招感所生。必破無明。斷集諦因。方得解
脫。欲斷集因。須修道品。卽以正知正見。識得自己
本元心地。看破妄身妄心。遠離邪念。了達緣生空
幻。不起惑。不造業。則不感果。而得解脫。故云。正見
解脫。解脫則空。以是空空妙智。修諸道品。念念心

心入於智道。是名以修智道。名爲道諦。盡有果報等者。此說滅諦法門也。承上繇修道諦。方能盡有果報。盡有因也。因果不忘爲有。以欲色界及無色界。見思等惑。流轉三界。不能出離一切諸苦。故名爲有。而以正知正見。修行聖道。不起貪瞋癡慢疑。不起身邊諸邪見。是以三界二十五有。見惑思惑。塵沙等惑。苦果苦因。悉皆空寂。以空寂故。清淨一照體性。妙智體本清淨。性離諸垢。以此妙智。照達一切。因果皆空。證空空寂滅之理。名爲寂滅一諦。

以上四諦文竟。下文總結悲觀。以顯慧爲根本之義。慧品具足名根者。謂卽大空慧品。具足慈悲喜捨。六度。四攝。無量功德。方便行門。皆依大空慧品爲其根本。故云慧品具足名根。一切慧性。起空入觀者。此二句義。謂上旣卽慈悲喜捨。一切慧性。皆依大空慧中。起空入觀。現身六道。爲諸苦惱眾生。說示四諦法門。使諸眾生。知苦斷集。修道證滅。是名初善根也。

第二觀捨。一切貪著。行一切平等空。捨無緣而觀諸

法。空際一相。我觀一切十方地土。皆吾昔身所用故
土。四大海水。是吾故水。一切劫火。是吾昔身故所用
火。一切風輪。是吾故所用氣。我今入此地中。法身滿
足。捨吾故身。畢竟不受四大分段不淨故身。是爲捨
品具足。

此釋捨觀法門也。蓋我爲汝所說四諦法門。是我
昔日知迷而捨。故得解脫寂滅可證。是故今以勸
汝。而亦隨修證也。言所捨者。是何物耶。是捨無始
已來爲凡夫時。妄想所起。一切種種貪愛執著諸

惡行法。以昔有貪愛故爲說修行解脫法門。以貪
愛與解脫。俱屬對待。不平等故。今已一切捨去。則
一切法。悉皆平等。以平等故。能捨所捨。一緣性空。
故云捨無緣也。緣是而觀染淨諸法。空際一相。平
等理中。無相可得。所以我觀一切十方地土。皆吾
昔身所用故土。四大海水。是吾昔身所用故水。一
切劫火。是吾昔身所用故火。一切風輪。是吾昔身
所用故氣。我今入此離垢地中。法身滿足。捨吾故
身也。言法身滿足者。卽此離垢地位。所證最勝真

如法性之身。三德圓滿。三身具足。故云法身滿足。捨吾故身等者。卽此位中。所斷邪行障也。以斷障證真故。所以畢竟不受四大分段。不淨雜染故身。故云捨吾故身。以不受故。是爲捨品具足。此是第二觀捨善根義也。

第三次觀於所化一切眾生。與人天樂。十地樂。離十惡畏樂。得妙華三昧樂。乃至佛樂。如是觀者。慈品具足。

此釋慈觀之義。第三次觀等者。蓋謂諸佛菩薩說

法利生。必隨機宜而與之樂。故次觀於所化一切眾生。種種根性。如求人天樂者。則與三皈。五戒。十善。令其得生人天道果。受勝妙樂。如求菩薩乘者。則與六度。四攝法等。令其得證十地之樂。離十惡畏樂者。往昔以造三業不淨。必墮三塗怖畏之中。反此十惡。修十善。得生人天。受十善樂。故云離十惡畏樂。得妙華三昧樂者。發菩薩心。修菩薩道。萬行因華。三昧正定。乘此智定。證十地果。故得妙華三昧之樂。乃至令得佛果。無餘涅槃究竟之樂。

如是觀者。是為慈品具足。已上五段經文。迭明住
無間心觀行之義。向下一節。總結以顯解脫心義。
菩薩爾時住是地中。無癡無貪無瞋。入平等一諦智。
一切行本。遊佛一切世界。現化無量法身。如一切眾
生。天華品說。

菩薩當爾之時。住是第二地中。慧品具足。故無癡
相。捨品具足。故無貪相。慈悲喜品具足。故無瞋相。
以無貪瞋癡。故所以證入平等大空慧品。一諦聖
智。是以平等一諦理智為一切萬行根本。以是智

行雙運而能游佛一切世界。承事諸佛。亦能現化
無量法身。攝受眾生也。此處文義。於大部中。如一
切眾生。天華品廣說詳明。

○三體性光明地 一初明斷證義 二正釋文義
○初明斷證義

此地菩薩。斷一種闇鈍障。此即所知障中俱生法
執。一分闇鈍所起。以聞思修總持妙慧。令不現前。
故名之也。並斷二種愚執。一者欲貪愚。二者陀羅
尼愚。此之三法。能障三地。斷此愚障。方登三地。今

此菩薩以聞持陀羅尼。三慧現前。便能永斷愚障
既斷。故名發光地。所證真如。名勝流真如。謂此真
如。令所流教法。極爲最勝。故菩薩寄位夜摩天王。
假修十善等法。化導眾生於十波羅蜜中。忍波羅
蜜最勝。

○二正釋文義

若佛子。菩提薩埵。光明體性地。以三昧解了智。知三
世一切佛法門。十二法品。名味句。重誦記別。直語偈
不請說律戒譬喻。佛界昔事。方正。未曾有。談說是法

卷四百五十五卷之二

三三

347

體。性。名。一。切。義。別。是。名。味。句。中。說。一。切。有。爲。法。分。分
受。生。初。入。識。胎。四。大。增。長。色。心。名。六。住。於。根。中。起。覺
覺。未。別。苦。樂。名。觸。識。又。覺。苦。樂。識。名。三。受。連。連。覺。著
受。無。窮。以。欲。我。見。戒。取。善。惡。有。識。初。名。生。識。終。名。死。
是。十。品。現。在。苦。因。緣。果。觀。是。行。相。中。道。我。久。已。離。故
無。自。體。性。

若佛子。三句。標顯名德位。以明加行心之義。光明
體性地者。謂此菩薩成就勝定。大法總持。能發無
邊智慧光明。故云體性光明地。別經名發光地。謂

卷四百五十五卷之二

三三

348

以因中修習一切法界忍行之力。果地開發大智
慧光。故名爲發光地。以三昧解了智。至分分受生
一節。正明光明體性地。以顯所證所得體用觀照
之義。言以三昧解了智者。三昧卽那伽定之別名
也。謂從此勝定。發起大智慧光。能解了知三世十
方一切諸佛。化導法門。此地菩薩。一一通達。故名
解了智也。十二法品等者。釋上一切佛法門義。十
二數也。法軌則也。品類從也。名卽名身。味卽文身。
句卽句身。謂佛所說一切諸佛權實法門。總三藏

十二部半滿法品。必有文以載義。繇義以成文。文
義相成而爲經典。其中名字義味音韻言句。是中
若事若理若因若果若權若實若顯若密。以此十
二部經盡其義也。何名十二。一曰重。梵語祇夜華
言應頌。亦名重頌。以是長行文義不盡。欲被後來
之機。重宣義故。二曰誦。卽修多羅華言契經。上契
諸佛之理。下契眾生之機。以有長行。而無其偈。如
彌陀經心經等是。三曰記別。梵語和伽羅華言授
記。如來授記諸大菩薩聲聞弟子。來世作佛。劫國

莊嚴等是。四曰直語偈。梵語伽陀。華言諷誦。亦名
孤起不應長行。直說偈句。如金光明空品等是。五
曰不請說梵語優陀那。華言自說。無有人問。如來
以他心智。觀眾生機。而自宣說。如佛頂經說五陰
魔。又彌陀經。俱不待請。自告弟子而說者。是。六曰
律戒。律戒多屬因緣。梵語尼陀羅。華言因緣。如經
中有人問。故說是事。如律中有持犯得失之事。并
制戒緣起事。凡是如來所說。一切根本緣起。善惡
因緣果報等是。七曰譬喻。托言訓曉。爲譬。以淺況

深爲喻。如來爲鈍根者所設。所謂諸有智者。要以
譬喻而得開解者。是。八曰佛界梵語闍羅伽。華言
本生。謂如來說諸佛菩薩本因地中受生之事。亦
說自己本因地中受生之事。如涅槃云。比丘當知。
我於過去。作獐。作鹿。作熊。乃至作金輪王等。是。九
曰昔事。梵語伊帝目多伽。華言本事。如來說諸菩
薩弟子。因地爲求菩提道法。所行苦行之事。謂如
採菓汲水。拾薪設食。布髮掩泥。身爲牀座。燃燈求
假。割肉捨身。乃至爲金輪王。捨頭千顆等。是。十曰。

方正。梵語毘佛略華言大方廣。太卽體大方。卽相
大廣卽用大謂諸如來所說大乘方等經典其意
猶如虛空廣博包含無所不攝。十一曰未曾有。梵
語阿浮達磨華言未曾有。亦名希有。謂佛初生之
時。目顧四方。周行七步。足跡所蹈皆有蓮華。放大
光明徧照十方。而發是言。我是度一切生老病死
苦者。大地震動。天雨眾華。樹出音聲作天鼓樂。如
是希有之事。凡昔未聞見者皆名希有。十二曰談
說。梵語優波提舍。華言論議。謂諸經中。凡有問答

辯論諸法義者皆名論議。如法華經智積菩薩。乃
與文殊師利論說妙法等。是已上廣明十二部經
名相。向下總出十二部經之義。是法等者。釋承上
義。謂是十二法品體性等同一味實無差別。因眾
生心有無量心。是以法門亦有無量。所謂我無一
切心。何用一切法。因有一切心。故有一切法。因有
一切法。故立一切名。因有一切名。故立一切義。因
立一切義。發明一切法。故云是法體性。名一切義
別也。是名味句等者。謂是十二法品名味句中差

別無非發明一切眾生迷理成事。迷智成識。一切
生滅有爲諸法。分分受生捨生之義。欲令眾生知
真本有識。妄元無也。初入識胎等者。釋明分分受
生義。所言分分受生者。謂初入識胎時。乃是受生
托質之始。卽行緣識分義。此緣過去煩惱之惑。覆
於本心。不了法界真如之理。名爲無明。遂緣無明。
起諸妄心。造作身口意等。善不善行。故名曰行。以
是無明與行。一因所造。惑業相牽。因緣和合。故令
阿賴耶識。投托母胎。一剎那間。染愛爲種。納想成

胎。故名初入識胎。四大增長色心者。卽識緣名色
分義。名卽是心。以心但有其名。無形質故。色卽形
質。卽內外色。地水火風四大和合。漸漸增長而成
身形。一七名凝滑。二七名胞。三七名爲軟肉。四七
名堅肉。五七名爲形位。生諸根形手足。故名四大
增長色心。名六住者。卽名色緣六入分義。謂從名
色已後。至六七日。名髮毛爪齒位。至七七日。名爲
具根形位。謂以六根開張。有入六塵之用。乃妄心
依止處。故名六住。於根中起實覺。未別苦樂。名觸

識者。卽六入緣觸分義。此卽出胎已後。乃至三四歲時。六根對於六塵。雖起覺知。而未能別苦樂。故名實覺。因根境識三法和合相觸生覺。故名觸識。又覺苦樂識名三受者。卽觸緣受分義。謂從五六歲至十二三歲時。因六塵境觸對六根。卽能領受。如對苦境時。卽覺是苦。是名苦受。對樂境時。卽知是樂。名爲樂受。如苦樂不對時。卽覺不苦不樂。是名平平之受。雖云了別六塵粗境。然未能起貪姪之心。只名爲受。故曰。又覺苦樂識名三受也。此上

五支。是現在果。連連覺著受無窮者。卽受緣愛分義。謂從十四五歲至十八九歲時。連連起心貪著姪欲等境。故云連連覺著受無窮。以欲我見戒取者。卽愛緣取分義。謂從二十歲後。緣有諸欲助發愛性。種種取捨。執我執人。深生貪取。及信邪師而起邪見。持邪見戒。望取生天。其中所該。五鈍。五利。十使煩惱。故名以欲我見戒取善惡有者。卽取緣有分義。謂因六識。馳求諸境。起造善惡。引滿二業。積集三有之因。牽引阿賴耶識。又受當生三有果

報。故名善惡有也。此愛取有三支。是現在因。識初
名生者。卽有緣生分義。謂既現在所造善惡業因。
必受來世善惡業果。故使賴耶隨善惡業。六道受
生。此識最先投胎。故云識初名生。識終名死者。卽
生緣老死分義。謂從來世受生已後。五蘊身相。熟
已還壞。一期壽命盡矣。此識最後而捨。故云識終
名死。此生死二法。雖曰來世之果。乃約現在之因
而言。貫該三世。生滅去來。受生捨生之義。所謂去
後來先作主公也。是十品現在苦因緣果者。此句

總結上文。謂以無明與行。是過去二支。因緣過去
因。感現在果。今只所言現在因果。不言過去二因
者何。以果該因。佛欲現前諸人。卽識現前苦果苦
因。無使再造有漏苦因。永滅當來苦果故也。觀是
行相中道。我已久離者。謂一切眾生。雖有生滅去
來。不知如來藏中。求於去來。迷悟生死。實不可得。
所以菩薩智慧觀察。已證入法界中道理中。無有
生死。無有去來。故云我已久離。無自體性。
入光明神通。總持辯才。心心行空。而十方佛土中。現

劫化轉化。百劫千劫。國土中養神通。禮敬佛前。諮受
法言。復現六道身。一音中說無量法品。而眾生各自
分分得聞。心所欲之法。苦空無常無我。一諦之音。國
土不同。身心別化。

此釋住無間心也。所言現在十品苦因緣果。我已
久離故者。今得證入光明體性地中。具足遊戲神
通陀羅尼總持門。無礙辯才大智慧門。雖得如是
境界。而心心行空。是以能於十方佛國土中。現身
現劫現化。展轉變化。促住則百劫住。延則千劫住。

於國土中長養神通。禮敬佛前。諮受法言。復能現
六道身。假同事法攝化眾生。以一音中說無量法
門品。而隨眾生各自分分得聞。心所欲法。苦空無
常無我。一諦之音。所謂圓音一演。異類等解此也。
其苦等者。此卽身受心法。四念處行。苦者眾苦也。
卽觀受是苦義。眾生顛倒。以苦爲樂。故令眾生觀
受是苦。得寂滅樂也。空者卽觀身是空義。謂內身
外身。皆攬父母不淨精血。集聚四大。而成其身。從
頭至足。悉皆不淨。眾生顛倒。執之爲淨。心生貪著。

故令衆生觀身是空。證清淨法身也。無常者即觀心無常義。心即第六識心。謂此心性流動。念念生滅。皆悉無常。衆生顛倒。計以爲心。故令衆生觀心無常。證常住真心也。無我者。即觀法無我義。謂一切法。若善若惡。衆生顛倒。妄認一切諸法有我。故令衆生觀法無我。證無生我也。故云苦空無常無我。一諦之音者。謂苦空等。雖云四法。實從一諦音中演出。惟此一諦。無二無三。因衆生國土。依正不同。故此菩薩示現身心。亦隨機差別。而攝化之。故

云身心別化。所謂佛身充滿於法界。普現一切群生前。隨緣赴感靡不周。而恆處此菩提座。正合此意。

是妙華光明地中。略開一毛頭許。如法品解觀法門。千三昧品說。

此總結當地功德。說不能盡。以明解脫心也。是妙華等者。謂是妙華光明地中。所有功德行願。如海藏等。不可言說。此中但略開一二。如毛頭許相似。若廣說者。於大部內。如法品中解觀法門。千三昧

品三文所說

○四體性爾燄地 二初明斷證義 二正釋文義

○初明斷證義

此地菩薩斷一種微細煩惱現行障。此即所知障中。俱生一分微細無明之惑現起故名之也。又斷二種愚執。一者等至愛愚。二者法愛愚。斷此愚障。方登燄慧地。謂此菩薩初入證智。善修三十七品菩提分法。能起燄慧智火。燒一切根本煩惱。及隨煩惱之薪。便能永斷。愚障既斷。智火最勝。故名燄

地菩薩直釋卷上之二

六五

慧地。所證真如。名無攝受真如。謂此真如。無我執等所依取故。菩薩位寄兜率天王。假修三乘等法。化導衆生。於十波羅蜜中精進波羅蜜最勝。

○二正釋文義

若佛子。菩提薩埵。體性地中。爾真燄俗。不斷不常。即生即住即滅。一世一時。一有種異異現異故。因緣中道。非一。非二。非善非惡。非凡非佛。故佛界。凡界。一。是名為世諦。其智道觀。無一無二。玄道定品。所謂說佛心行。初覺定因。信覺。思覺。靜覺。上覺。念覺。慧覺。觀

地菩薩直釋卷上之二

二

覺。猶覺樂覺。捨覺。是品品方便道。心心入定果。

若佛子。三句標顯名德位。以明加行心義。菩薩因
中。修習無邊菩提分法。大精進力故。果地中。雙照
平等。名體性爾燄地。別經名燄慧地。謂爲燄自在
故。爾真燄俗等者。正明爾燄地中體用觀照法門。
謂此地中。燄慧增勝。爲燄自在。故能率爾照真了
真。照俗了俗。照真了真。故不斷。照俗了俗。故不常。
所謂般若無相。二諦常然。以其不斷不常。故卽生
卽住。卽滅。以卽生卽住。卽滅。故一世。一時。一有也。

本利系正角先二之二

三三

367

本利系正角先二之二

三三

一世者。三相平等故。一時者。劫量平等故。一有者。
諸法平等故。種異異現異故者。謂真性平等。元無
差別。所以有差別者。蓋卽能熏種子之異。種子旣
異。則所熏起現行亦異故也。然種異現異。但隨因
緣和合而有。因緣別離而無。而本真如自性。不屬
因緣。有無變易。是因緣不遷不變之體。名爲中道。
以是中道。非一。非二。云何非一。真如不變隨緣。故
非一也。云何非二。隨緣不變真如。故非二也。瓔珞
經云。二諦常爾。故非一。聖智照空。故非二。旣真諦

368

俗諦。非一非二。卽善惡凡聖等果。一切皆非。故佛
界凡界。一皆名爲世諦。何故佛界亦名爲世諦。
謂對俗言真。對惡言善。對凡言聖。俱屬對待故耳。
其智道觀。無一無二者。菩薩以智道觀之。非一非
二。千臂經云。菩薩如是觀照寂滅中道第一義諦
之理。本來無一無二是也。上明智慧照用相義。下
明定品寂滅相義。玄道定品。所謂說佛心行者。旣
云無一無二。云何又有菩提道法。賢聖差別。蓋以
玄妙道法。一切定品。無非說佛因地心行。佛心行

者。卽菩提妙心中所起智行。此乃三世諸佛。一切
菩薩。本因地中。發起始覺。悟本妙覺。最初入道一
步下手工夫。初覺本定爲因。一切凡夫。俱迷此定。
無智慧覺。諸佛菩薩。今悟此定。始覺有本。故名初
覺定因。繇初一覺。覺得自性本定。實與三世諸佛。
等無差別。一信永信。永無退轉。故次之曰信覺。信
者。論云。於實德能。深忍樂欲。心淨爲性。對治不信。
樂善爲業。如水清珠。能清濁水。所以信乃入道根
本。是故十覺支中。信覺爲第一。雖然所信本定若

不思惟修行終成空信。故次之曰思覺。思者卽令
心造作爲性。於善品等役心爲業。謂取境正。因等
相驅役自心。令造諸善。然雖善思。若無定力所持。
恐屬亂思。故次之以靜覺。靜卽定也。於所觀境專
注不散爲性。智依爲業。然此定力印持以靜覺中。
若無精進之力。恐墮無記。故次之以上覺。上覺者
卽精勤心於善惡品。修斷事中。勇悍爲性。對治懈
怠。滿善爲業。然精勤不懈。更當念茲在茲。而不忘
失。故次之以念覺。念者於曾習境。令心明記爲性。

定依爲業。然雖念心不忘。必加慧心照境。分明不
惑。故次之以慧覺。慧者於所觀境。揀擇爲性。斷疑
爲業。然雖慧心了境無惑。屬粗。必須更加微細觀
察。故次之以觀覺。觀者照察於所觀境。諦審爲性。
入理爲業。繇觀覺入理。而身心輕安。故次之以猗
覺。猗者卽輕安也。於所觀境。遠離粗重。調暢身心。
堪任爲性。對治惛沉。轉依爲業。又曰離重名輕。調
暢名安。以是輕安調適。能令身心悅樂。故次之以
樂覺。樂者卽悅喜也。以所證理不生顛倒爲性。正

智如如爲業。以是悅樂不倒。而得解脫。故次之以
捨覺。捨者。卽行蘊中捨。謂精進等諸根。令心平等
正直。無功用住爲性。對治掉舉。靜住爲業。此十覺
支。合言七覺。合者。以念覺合思覺。以觀覺合慧覺。
以猗覺合靜覺。此雖品品不同。皆助修道法中前
方便道。能令行人。心心念念。證入定果也。

是人住定中。燄燄見法。行空若起。念定入生。心定生
愛。順道法化生。名法樂忍。住忍。證忍。寂滅忍。故諸佛
於入光光華三昧中。現無量佛。以手摩頂。一音說法。

百千起發而不出定。住定味樂。定著定。食定。一劫千
劫中住定。見佛蓮華坐說百法門。是人供養聽法。一
劫住定。時諸佛光中摩頂。發起定品。出相進相。去向
相。故不沒不退不墮不住頂三昧。法上樂忍。永盡無
餘。

此廣明證入定果之義。是人住定中者。是人卽當
位人。此人因修道品。得住定中。繫住定故。卽從定
中發起智慧光。燄燄照見諸法。行相蕩然一空。
所謂無礙清淨慧。皆依禪定生也。若起念定入生。

心者。謂若起念之時。無非從定入中。發生一念清
淨。慧照之心。故云定入生心。定生愛順者。繇定發
生慧照心故。得覺法樂自在三昧。於是定中貪愛
逸順。故云定生愛順。道法化生等者。謂修菩提道
法。故名道法化生。於此道法。忍可於心。樂可於身。
故名法樂忍。菩薩于此忍中。安住不動。深證不轉。
以是定愛。及與法愛。一愛難除。此地雖證寂滅。而
于八地等無生寂滅。二忍未獲。是故諸佛大悲心
念。無緣慈力。於入光光三昧中。現無量佛。各以右

手摩頂安慰而加被之。一音說法百千方便勸發。
而是菩薩亦不出定。何故。以住定味定。樂定著定。
貪定故也。初住名住。住已有滋名味定。得味安然。
名樂定。執樂爲實。名著定著而固守。名貪定。於是
乎根利者。住定一劫。障深者。千劫中住定。卽定爲
行。定中發光。光中見佛。在寶蓮華上坐。爲諸眾生
說心地等百法明門。是菩薩人。與諸供養聽受妙
法。信念長遠。一劫住定。廣修福慧。日深日厚。得與
諸佛心相體性。入出無難。時感諸佛。復於光光華

三昧中。以手摩頂。一番加勸。方始發起利生定品。
於光光華三昧者。以二光破二障。以福花滅罪花。
以三昧安心。摩頂安身。於是身心安隱。爾時菩薩
受摩頂職。得大解脫。即時發起定品。現身益物。故
有出相進相。去向相也。出卽起定。進卽入定。去卽
應現向卽方所。所謂東方入定。西方起。南方入定。
北方起。童子身中入正定。童女身中從定起。乃至
眼入耳出等是也。故於此定。知出而不沒。知進而
不退。知去而不墮。知向而不住。所以不住頂三昧。

卽法上樂忍。亦復不住。如是定愛及與法愛。一障
俱離。故曰永盡無餘。

卽入一切佛土中。修行無量功德品。行行皆光明。入
善權方便。教化一切眾生。能使得見佛體性。常樂我
淨。

此釋住無間心義也。承上緣不住定愛。卽能現身。
入一切佛國土中。承事十方諸佛。勇猛精進。更加
修行。無量無邊一切功德法品。行行皆大光明。行
光明者。卽智行雙運也。以不住法愛故。卽入種種

善根方便教化一切眾生能使一切得見諸佛體
性不止得見而已亦令證此如來真常真樂真我
真淨之四德也。

是人生住是地中。行化法門。漸漸深妙。空華觀智。入
體性中道。一切法門品滿足猶如金剛。上日月道品。
已明斯義。

此結當地功德智慧不可思議以明解脫心之義
也是人生住等者。言此菩薩。既生是地。亦住是中。
於此地中所證度生一切行化法門。從此而去。漸

漸深妙。難可測量菩薩所證空華觀智。入諸佛體
性中道。一合而行所以一切諸佛法門品皆得圓
滿具足也。此處略說。大部內喻如金剛。上日月道
品中。已更廣明斯義。

○五體性慧照地 一初明斷證義 二正釋文義

○初明斷證義

此地斷一種下乘涅槃障。此即所知障中俱生一
分厭生死苦。趣涅槃樂。依彼所起故名之也。並斷
二種愚執。一純作意背生死愚。二純作意向涅槃

愚。此之三法能障五地。斷此愚障。方登難勝地。菩薩今修菩提分法。一智圓通真俗無礙。能合難合。無差別道。便能永斷愚障。既斷。故名難勝地。所證真如。名類無差別真如。謂此真如。於生死及涅槃。其類平等。無差別。故菩薩位。寄化樂天王。假修三乘等法。化導眾生。於十波羅蜜中。禪波羅蜜最勝。

○二正釋文義

若佛子。菩提薩埵。慧照體性地。法有十種力生品。起一切功德行。以一慧方便。知善惡。二業別行處力品。

卷之三

三三

善作惡作業智力品。一切欲求願。六道生生果欲力品。六道性分別不同性力品。一切善惡根。一一不同根力品。邪定正定不定是名定力品。一切因果乘是因乘是果。至果處乘。因道是道力品。五眼知一切法。見一切受生故。天眼力品。百劫事。一一知。宿世力品。於一切生煩惱滅。一切受無明滅。解脫力品。是十力品。智。知自修因果。亦知一切眾生因果分別。

若佛子。三句標顯名德位。以明加行心之義。慧照體性地者。謂此菩薩。因中修習不可言說深禪大

卷之三

三三

定之力。故果地中。乃得諸諦相應之慧。圓照法界。
故云慧照體性地。別經名難勝地。是以二諦難合。
合此難合。令其相應。故名難勝地。法有十種力生
品者。乃明所證之法。謂此地中。所證真如大法。有
十種力生品。能起一切眾生。世出世間。無量功德
行品。皆以一慧方便所起。上明所證十力之體。向
下釋明十力之用。一。知善惡二業。別行處力品者。
謂此智力。善能了知一切眾生。作善作惡。因緣果
報差別處也。所言差別處者。謂作善業。不得善報。

反招惡報。及作惡業。不得惡報。反招善報。問。何修
善者。反招惡報。答。卽如印經造像齋僧建會。是修
善也。其中非是真實建立三寶。乃是假公濟私。誣
因昧果。故修善得不善報也。所謂天堂未就。地獄
先成。卽此云。何作惡。反招善報。如除惡人。惡獸。破
壞外道。和合。乃至殺一闍提。是作惡也。其中非是
實爲惱害眾生。乃是殺一救多。除害興善。正是菩
薩大悲所爲。如此作惡。是故無惡報也。所謂慈心
殺人。越多生者。卽此。如是差別行處。一一爲眾生

說故云別行處力品也。一知善作惡作業智力品者。謂此智力能了知一切眾生三世所作善惡諸業。諸受因果。或受長壽報時而爲短壽。或受短壽報時而爲長壽。或富而貧。或貧而富。何也。此業果報。總在積因損因。積德損德。以轉變之。所謂因德延壽。損德而促壽也。又般若云。是人先世所造惡業。餘業未盡。命終應墮惡道。以今持經功德。先世罪業。卽爲消滅。不但不墮惡道。當得菩提。此乃出世法力廣大因故。所以不可不修世出世善因也。

如是定與不定。一爲眾生說。故云業智力品。三知一切眾生欲求願。六道生生果欲力品者。謂此智力能了知一切眾生心中所欲。所求。所願。一切欲者。卽樂欲也。謂或常欲供養三寶。天地君王。父母師長。親近善友。常報恩德。或常欲念財。色。名。食。睡等。一切求者。卽乞求也。謂或樂求好師好友。或求名聞利養。或求功名富貴。乃至求生好子孫等。一切願者。卽願要也。謂或願生西方成佛度生。或願生天人。乃至願生地獄餓鬼畜生。是名一切

願求願六道生生果。如是差別。一一爲眾生說。故云欲力品也。四知六道性。分別不同。性力品者。謂此智力。善能了知一切眾生。性分不同。或利或鈍。得果大小。上中下別。一生。二生。三四五生。當得菩提。如是一一爲眾生說。故云性力品也。五知一切善惡根。一一不同。根力品者。謂此智力。能善了知一切眾生。根界差別。云何差別。謂善種子起善現行。不善種子。卽起不善現行。此善惡根。有輕有重。輕者易受教化。重者難受教化。易受化者。如善來

諸比丘。袈裟著身。鬚髮自落等也。難受化者。如城東老母等。如是根界差別。一一爲眾生說。故云根力品也。六知邪定。正定。不定。是名定力品者。謂此智力。善能了知一切外道邪定。小乘偏定。菩薩正定。凡夫不定。一一通達爲眾生說。故云是名定力品也。七知一切因果。乘是因。乘是果。至果處。乘因道。是道力品者。言此智品。了知六道乘有漏。因。至有漏果。乘無漏因。至無漏果。以至果處。而乘因道。一一了達爲眾生說。是名道力品。八。五眼知一切

法見一切受生故。天眼力品者。其眼有五。謂天眼
通非礙。肉眼闕非通。法眼惟觀俗。慧眼只緣空。佛
眼如千日。照異體還同。此舉天眼而言。謂證知天
眼。徹見現前一切世間。根塵染淨。差別等法。並見
一切眾生。以隨善惡業緣。受報好醜。生時死時。一
一示諸眾生。故云天眼力品。九知百劫事。一一知
宿世力品者。言此智力。了知一切眾生。種種宿命。
百千萬億劫前死此生彼。姓族名字。苦樂壽命。如
實爲眾生說。故云宿世力品。十知於一切生煩惱

滅。一切受無明滅。解脫力品者。言此智力。了知於
一切生煩惱因滅。一切受無明果滅。煩惱無明。一
切習氣。因果滅盡。如實爲眾生說。故云解脫力品。
如是十力品智。知自身修因果。亦知一切眾生所
修因果。分別明了。無差錯故。此十種智。前五了知
眾生。生滅因緣。後五了知眾生。還滅因緣。
而身心口。別用。以淨國土爲惡國土。以惡國土爲妙
樂國土。能轉善作惡。轉惡作善。色爲非色。非色爲色。
以男爲女。以女爲男。以六道爲非六道。非六道爲六

道乃至地水火風。非地水火風是人爾時以大方便力。從一切眾生而見不可思議。下地所不能知覺。舉足下足事。

此釋住無間心也。以顯此地體用不可思議。不但所得十力智品而已。其身心口更有差別。妙用不可測也。而身心口別用等者。以身能現通。心能繫念。口能說法。此卽三輪妙用之力。故云而身心口別用。以是三輪妙用力。故能以常寂光淨土。示爲五趣雜居地。卽能以五趣雜居士爲極樂國土。以

是國土本無差別。但隨眾生。一變現。故云以淨國土爲惡國土。以惡國土爲淨妙國土。法華三變淨土是也。能轉善作惡者。如無厭足王。是能轉惡作善者。如廣額屠兒。是色爲非色。非色爲色者。如放光散花。東涌西沒。西涌東沒。種種神變等。是以男爲女者。如舍利弗。被天女一指。轉爲女人相者。是以女爲男者。如法華龍女。倏轉爲男。於無垢世界成佛者。是以六道爲非六道。非六道爲六道者。六道卽凡。非六道卽聖。卽如面然大士等。是乃至

地水火風非地水火風者。其中足一句。應云非地水火風爲地水火風。如以十八神變身爲水火擔負乾草。入中不燒等。是已上善惡等性。一一皆不可得。若有定性。則不能轉。如是種種自在神用。皆是菩薩大方便智力用所作。任從一切眾生見之。而皆使頓入不可思議也。不但下凡眾生見而不可思議。卽前下地諸菩薩等。皆所不能知覺。菩薩舉足下足之事。所謂初地不知二地事也。是人大明智。漸漸進分分智。光光無量無量不可說

光光無量無量不可說

三

393

不可說法門。現在前行。

此結當地功德不可思議。以明解脫心也。承上而言。下地所不能知者何也。謂此菩薩大明慧智。漸漸深遠上進。以能分分證入諸佛一切種智。所證智光之光無量無量。及一切不可說不可說種種法門。如是一時。一一現在前行。是豈凡小心識所能思量言議者哉。

○六體性華光地一初明斷證義 二正釋文義

○初明斷證義

光光無量無量不可說

三

394

此地斷一種粗相現行障。此卽所知障中俱生一分執有染淨粗相現行所起。故名之也。並斷二種愚執。一者現觀察行流轉愚。二者相多現行愚。此之三法。能障現前地。斷此愚障。方登現前地。今知一切法。無有染淨。住無相作意。令真如圓滿。便能永斷愚障。既斷般若現前。故名現前地。所證真如。名無染淨真如。謂此真如體性無染淨。故菩薩位寄自在天王。假修三乘等法。化導眾生於十波羅蜜中。般若波羅蜜最勝。

○二正釋文義

若佛子。菩提薩埵體性華光地。能於一切世界中。十神通明智品。以示一切眾生種種變化。以天眼明智。知三世國土中微塵等一切色。分分成六道眾生身。一身微塵細色成大色。分分知。以天耳智。知十方三世六道眾生苦樂音聲。非非音。非非聲。一切法聲。以天身智。知一切色。色非色。非男非女形於一念中。徧十方三世國土劫量。大小國土中微塵身。以天他心智。知三世眾生心中所行。十方六道中一切眾生。

心心所念。苦樂善惡等事。以天人智。知十方三世國
土中。一切眾生。宿世苦樂受命。一一知。命續百劫。

若佛子。三句標顯名德位。以明加行心之義。體性
華光地者。謂此菩薩因中。修習無量智慧。故果地
中。得證諸佛般若波羅蜜多。大智行華。一時開敷。
故云體性華光地。別經名現前地。謂本一切功德
智慧。俱得現前。故名現前地。能於一切世界中。至
百千大願品具足一節。此釋住無間心也。菩薩住
是地中。能於十方一切世界之中。而通十種神通。

大明智品。以示一切眾生種種變化。一切難可測
量也。何名十種明智品。一。以天眼明智者。即天眼
通。謂此智品。能了知十方三世國土中。色微塵等
分。地水火風。一切四大幻色。分分聚成六道眾生
身相。而其一一分段身中。毛孔等色分際。皆知是
幾微塵細色。而成一身形體大色。如此分分色相。
一一了知而不錯故。二。以天耳智者。即天耳通。謂
得此智能。聞知十方三世六道眾生。身心遍悅。受
苦受樂。所出音聲。非非受苦樂音。非非受苦樂聲。

乃至一切江河湖海。水流風動。鐘鈴鑼鼓。種種諸法音聲。一一知故。三。以天身智者。卽色身通。謂得此智能。覺知一切色。色非色。言色色者。卽諸眾生。依報國土境色。正報身體根色。如是根境。諸內外色。是名色。色言非色者。卽佛所住真如法性土色。及佛光明徧照清淨法性身色。故云非色。非男非女形者。謂色旣非色。故男女等相。一切皆非。如是一切色。色非色等形。於一念中徧知。及知十方三世國土。劫量大小。延促長短。及國土中微塵等身。

卷之三十一

三

399

四。以天他心智者。卽他心通。謂得此智能。了知過現未來。三世眾生。心中所行。及十方六道中。一切眾生。心心所念。若念苦樂善惡等事。五。以天人智者。卽宿命通。謂得此智。卽能了知十方三世國土之中。一切眾生。宿世善惡業因。感現前苦樂受命果報。能一一知。及其受命長短。相續百劫等事。一。明了爲眾生說。已上五智。以知世諦緣起。無有染相可得。向下五智。以知真諦解脫緣滅。亦無淨相可得。

卷之三十一

三

400

以天解脫智。知十方三世眾生解脫。斷除一切煩惱。若多若少。從一地乃至十地。滅滅皆盡。以天定心智。知十方三世國土中眾生。心定不定。非定非不定。起定方法。有所攝受。三昧百三昧。以天覺智。知一切眾生。已成佛。未成佛。乃至六道一切人心。心亦知十方佛心中所說之法。以天念智。知百劫千劫。大小劫中。一切眾生受命。命久近。以天願智。知一切眾生賢聖。十地三十心中。一一行願。若求苦樂。若法非法。一切求。十願百千大願。品具足。

此釋後五品智也。以下所言眾生。皆指賢聖。與上不同。六。以天解脫智者。卽滅盡通謂得此智。了知十方三世眾生解脫。隨其智量。斷除一切煩惱。若多若少。其從一地乃至十地。次第斷證。以除一分無明惑障。得證一分真如妙理。終極金剛究竟滅。滅皆盡無餘。如是種種解脫。一一知故。七。以天定心智者。卽神境通謂得此智。了知十方三世國土中眾生。其心定與不定。非定非不定者。及諸起定方法。有所攝受。三昧及百三昧。一切禪定等法。一

一知故。八。以天覺智。卽言音通。此智了知一切眾生。已成佛者。未成佛者。乃至六道一切人之心心所念。如法華云。知諸眾生種相體性。念何事。思何事。修何事等。不但知諸眾生心心所念。亦知十方諸佛心中。隨爲眾生根行所說。九。以天念智。卽未來通。此智了知百劫千劫。大小劫中。一切眾生受命。命之久近。劫量差別。而此時劫。本無延促。但隨眾生煩惱輕重厚薄不一。是故劫量亦有長短大小不等。一切眾生受命亦有久近增減不一。如是

命劫。一一徧知。所謂一念普觀無量劫也。十。以天願智。卽無作通。此智了知一切賢聖眾生。一一所修行門。一一所發大願。若求苦樂。其求苦者。卽如藥王燒身然臂。不輕所受杖木打擲。阿難五濁誓願先入等是。其求樂者。如韋提希願生樂土。法藏比丘誓願眾生咸生安養等是。其求法者。卽以權實顯密。正教等法。其非法者。卽爲天魔外道邪教等法。乃至願爲閻羅天子。制諸罪人皆名非法者。是一切求者。總結上來下化。無所不求。十願如普

賢願王與十無盡句。乃至諸佛無量無邊百千大願品。此地菩薩。一一具足而悉知之。

是人住地中。十神通明中。現無量身心口。別用說地功德百千萬劫。不可窮盡。而爾所釋迦。略開神通明品。如觀十二因緣品中說。

此結當位智德。以明解脫心也。是人住地中者。結本體性華光地名。十神通明中等二句。結上十種智品。三輪差別妙用德也。說地功德三句。總結當地功德甚深無量無窮無盡。不可說不可說百千

萬億劫數。說不能盡之義。而爾所釋迦牟尼如來。但以略開此地神通明智品耳。此處所說在大部內。如觀十二因緣品中所說。無有差別。

○七體性滿足地一初明斷證義 二正釋文義

○初明斷證義

此地菩薩斷一種細相現行障。此卽所知障中。俱生一分執有生滅細相現行所起。故名之也。並斷二種愚執。一者細相現行愚。二者純作意求無相愚。緣有此之三法。能障遠行地。斷此愚障。方登第

七地。今遠三界。近法王位。行過二乘。善修無相。到無相邊。功用至極。望前過遠。故名遠行地。便能永斷愚障。既斷。所證真如。名法無差別。真如。謂此真如。能了種種教法。皆同真如。不無相。故菩薩位。寄初禪天王。假修三乘等法。化導眾生。於十波羅蜜中。方便波羅蜜最勝。

○二正釋文義

若佛子。菩提薩埵。滿足體性地。入是法中。十八聖人智品。下地所不共。所謂身無漏過。口無語罪。念無失

卷四百五十五

三

407

念離八法。一切法中捨。常在三昧。是入地六品具足。復從是智生六足智。三界結習。畢竟不受。故欲具足。一切功德。一切法門。所求滿。故進心足。一切法事。一切劫事。一切眾生事。以一心中。一時知。故念心足。是二諦相。六道眾生。一切法。故智慧足。知十法趣人。乃至一切佛。無結無習。故解脫足。見一切眾生。知他人自我弟子。無漏無諸煩惱習。故以智知他身六通足。是人入六滿足明智中。便起智身。隨六道眾生心行。口辯說無量法門品。示一切眾生。故隨一切眾生心

卷四百五十五

三

408

行。常入三昧。而十方大地動。虛空化華故。能令眾生
心行。以大明智具足。見過去一切劫中佛出世。亦是
示一切眾生心。以無著智。見現在十方一切國土中。
一切佛。一切眾生。心心所行。以神通道智。見未來中
一切劫。一切佛出世。一切眾生。從是佛受道聽法故。
若佛子。三句標顯名德位。以明加行心也。滿足體
性地者。因中修方便度。故果地中證得如來一切
智行。圓滿具足。故名滿足體性地。別經名遠行地。
此菩薩出三界河。過二乘地。到涅槃城。近法王位。

故名遠行地。入是法中等者。標所證之法也。謂入
滿足體性法中。已是如來十八聖人智品。不與二
乘權小所共。不但不於此共。卽下地諸菩薩亦所
不及。故云十八不共。何名十八聖智。一身無漏過
者。亦名身無失。謂此菩薩從無始來。常以諸戒修
其身心。一切煩惱等障。淨盡無餘。以是身業清淨。
得大神通。故云身無漏過也。一口無語罪者。亦名
口無失。謂此菩薩從無量劫。常以五語隨諸眾生
方便。爲說種種妙法。令得道果。是以口業清淨。故

云。口無語罪也。三念無失念者。亦名意無失。謂此菩薩從無始來常修諸禪。心無所著。意無放逸。但隨眾生機宜。方便攝化。是以意業清淨。故云念無失念也。四離八法者。亦名無異想心。謂此菩薩從因地來。但於眾生方便教化。已離凡夫及以二乘。執有有相。執無無相。執常常見。執斷斷見。以是心無八種顛倒。故云離八法也。五一切法中捨者。亦名無不知捨心。謂此菩薩從無始來。以大般若照察世出世間。一切染淨諸法。當體全空。了不可得。

以是心無貪著。故云一切法中捨也。六常在三昧者。亦名無不定心。謂此菩薩從無始來常恆不離甚深大定。但隨眾生隱顯攝化。故云常在三昧也。是入地六品者。結前六品智也。復從是智等者。起後六品智也。謂繇具足六品智體。復從是智生六滿足智用。何名六智。一欲具足者。亦名欲無減。謂此菩薩示生三界。攝化眾生。於三界結習煩惱畢竟不受。故云欲具足也。二進心足者。亦名精進無減。謂此菩薩於諸如來一切智慧諸功德藏。一切

化導方便法門。所求圓滿具足。故云進心足也。三
念心足者。亦名念無滅。謂此菩薩。能了達世出世
間。一切安立法事。一切劫量長短。大小延促等事。
一切眾生。因緣果報。受命長短苦樂等事。一切眾
生。心念等事。以一心中。一時了知。故云念心足也。
四智慧足者。亦名智慧無滅。謂此菩薩。能了達真
俗二諦。有無二相。六道眾生。一切心念因果等法。
一一為眾生說。故云智慧足也。五解脫足者。亦名
解脫無滅。謂此菩薩。能知十發趣人。乃至一切諸

佛。斷除一切煩惱。無明結習。滅盡無餘。故云解脫
足也。六神通足者。亦名解脫知見無滅。謂此菩薩
具足天眼。天耳。他心。漏盡。神境。如意之六通。故所
以徹見一切賢聖。六道眾生。並能了知一切他人
自我所化弟子。無漏無諸煩惱習。故繇是以智知
他身相。及自身相。故云六神足也。是人等下。結前
六足智也。便起智身等者。起後六智也。是菩薩人
不止已入六滿足明智中而已。復更具足六種智
用。何為六智。一便起智身。隨六道眾生心行者。亦

名身業隨智慧行。謂此菩薩方便運起智身。隨智而轉。普爲六道眾生現神變相。調伏眾生種種心行。令其各得見相解悟。證入道果。故云便起身等。二。口辯說無量法門品。示一切眾生故隨一切眾生心行者。亦名口業隨智慧行。謂此菩薩能以清淨微妙語業。隨智而轉。隨順一切眾生心行善巧開導。令得解悟。證入道果。故云。口辯說等。三。隨一切眾生心行。常入三昧者。亦名意業隨智慧行。謂此菩薩以清淨意業隨智而轉。順一切眾生心行。

常入三昧觀根逗教而爲說法。除滅眾生無明癡暗。是以三輪業用定慧圓明。是故十方大地。六返震動。虛空之中。天雨四華。能令眾生開悟心行。故云隨一切眾生心行等。四。以大明智具足見過去一切劫中佛出世。亦是示一切眾生心者。亦名過去無礙智。謂此菩薩以大明智了見過去世時。一切無量無邊說不可說劫中所有的一切諸佛出世。爲一切眾生說法。是諸眾生從是諸佛受道聽法。悉能徧知。以此開示現前一切眾生心行。令各各

悟入故。五以無著智見現在十方一切國土中。一切佛。一切眾生。心心所行者。亦名現在無礙智。謂此菩薩以無著智見現在世十方所有一切國土之中。一切諸佛出世爲一切眾生說種種法。是諸眾生從佛聽法。悉能受持。心心所行。亦示一切現前眾生。令得開悟故。六以神通道智見未來中一切劫。一切佛出世。一切眾生從是佛受道聽法者。亦名未來無礙智。謂此菩薩以神通道智照見未來世中。一切劫等所有一切諸佛出世爲一切眾

生說種種法。是諸眾生。從是諸佛聽法受教。亦示現前眾生。令得心開以悟入故。

住是十八聖人中。心心三昧觀三界微塵等色是我故身。一切眾生是我父母。而今入是地中。一切功德。一切神光。一切佛所行法。乃至入地九地中。一切法門品。我皆已入故。於一切佛國土中。示現作佛。成道轉法輪。示入滅度。轉化他方過去來今。一切國土中。此明解脫心也。住是十八聖人中者。結前。心心三昧者。起後。此菩薩住是十八聖人智中。常以心心

不離三昧正定。於三昧中。復觀三界微塵等色。是我昔日爲凡夫時所受故身。復觀一切十方眾生。悉皆是我無量劫中。稟受色身父母。經云。脫骨如須彌山。所飲母乳。如四大海水也。如是脫骨之多。飲乳之廣。實非一生二生父母。非百生千生父母。乃至百千萬億不可說劫父母。緣我累劫修行。報答父母。饒益眾生。是故而今入是滿足體性地中。具足慈悲喜捨。六度萬行。一切功德聚身。此身能現化佛。爲三資糧。四加行諸菩薩說四諦等法故。

此地具足一切神通智慧光聚。是名智光聚身。此身能現報佛。爲大菩薩說一乘法。是地圓滿一切諸佛所修所證理果法身。此身能爲諸佛眾生依正之體。三身至此圓滿具足。故云滿足體性地。而今入是地中。一切功德。一切神光。一切佛所行法。乃至入地。九地中。一切法門品。我皆已得證入也。於一切國土等者。申明所證三身之義。緣得分證三身。能於一切國土中。示現受生。出家苦行。成道作佛。大轉法輪。以度眾生。於此應緣。一期事畢。乃

復示現入於滅度。又轉教化他方。過去來今。恆在一切國土之中。種種示現。不可思議。

○八體性佛吼地 一初明斷證義 二正釋文義

○初明斷證義

此地菩薩斷一種加行障。此卽所知障中俱生一分。令無相觀。不任運起。故名之也。並斷二種愚執。一者無相作功用愚。二者於相不自在愚。此之三法。能障入地。斷此愚障。方登不動地。謂此菩薩。今入無功用道。得無分別智照。任運相續。報行純熟。

居無相觀。不爲諸法煩惱所動。便能永斷愚障。既斷。故名不動地。所證真如。名不增不減真如。謂此真如住無相觀。不隨染淨所增減。故菩薩寄位二禪天王。作大千世界主。以一乘法。化導眾生於十波羅蜜中。願波羅蜜最勝。

○二正釋文義

若佛子。菩提薩埵。佛吼體性地。入法王位。三昧。其智如佛。佛吼三昧故。十品大明空門。常現在前。華光音入心三昧。其空慧者。謂內空慧門。外空慧門。有爲空

慧門。無爲空慧門。性空慧門。無始空慧門。第一義空
慧門。空空慧門。空空復空慧門。空空復空空慧門。如
是十空門。下地各所不知。虛空平等地不可說不可
說。神通道智。以一念智。知一切法。分分別異。而入無
量佛國土中。一一佛前。諮受法。轉法度與一切眾生。
而以法藥。施一切眾生。爲大法師。爲大導師。破壞四
魔。法身具足。化化入佛界。

若佛子。三句。標顯名德位。以明勝進心也。佛吼體
性地者。此菩薩說法無畏。如大師吼等無差別。故

名佛吼體性地。別經名不動地。此菩薩與佛心。菩
提心。涅槃心。悉皆不起。故云不動地。入法王位三
昧等者。此顯所證法門也。入卽證入。菩薩證入無
上自覺聖智。法王大樂三昧。正受寶位。於諸法中。
如法自在。若出若沒。心常在定。故云法王位三昧。
其智如佛者。上入法王三昧。卽所證無上涅槃。乃
法身之理聚。其智如佛。是能證無上菩提。乃報身
之智聚。佛吼三昧者。卽法報不分。三身圓現。起後
得智。說法利生。乃功德聚之化身也。十品大明空

門常現在前者。此菩薩得證如來三身圓明。四智全彰。十品大明空慧智門。常現在前而不卽不離也。華光音入心三昧者。申明佛吼之義。華卽行華。成人之德。光卽智光。破人之障。音卽法音。開人之迷。入心卽以行智法音。轉入眾生心中而成正覺。故云華光音入心三昧。其空慧者。牒定所言十品大明空慧常現在前之義。何謂十品。一者內空慧門。謂內空五蘊之根識界眾生迷此慧門。妄認四緣假合爲自身相。妄認六塵緣影爲自心相。爲生

死結根門。爲妄想煩惱門。菩薩恆以智慧直照五蘊身心。當體全空。皆如幻夢。故得證入內空慧門也。二者外空慧門。謂外空山河國土色等六塵諸法。諸凡夫人不知。皆是識心變現。妄想取捨。被境遷流。爲名相門。爲塵勞門。菩薩恆以智慧照破六塵諸法。皆無自性。故得證入外空慧門也。三者有爲空慧門。謂卽總空世諦諸有爲法。內之根識。外之世界。皆屬有爲。眾生不知。幻化不實。執我我所。不得解脫。爲生死流轉門。菩薩恆以智慧照破內

外諸法緣生如幻都無自性。故得證入有爲空慧門也。四者無爲空慧門。卽空眞諦諸無爲法。一乘之人不知卽色卽空。卽有卽無。而其色空有無皆屬對待。爲狹劣門。菩薩以深智慧照了無爲之法。亦皆是空。故得證入無爲空慧門也。五者性空慧門。總有爲無爲二性皆空。謂卽凡夫滯有。如來說爲不有。一乘沉空。如來說爲不空。以是不有而有。是爲妙有。不空而空。是爲真空。爲隨順門。菩薩以是甚深般若智照法界。圓融事理。一切無礙。二性

空寂平等平等。故得證入性空慧門也。六者無始空慧門。謂卽無始無明。住地煩惱本無有根。以是無明不覺瞥然現起。初發心諸菩薩皆不能了。爲起滅門。菩薩以大智慧光照一切諸法。起無始相。滅無終相。起滅之際。無法可得。故得證入無始空慧門也。七者第一義空慧門。卽中道理。名第一義諦。因對第二義。假立名言。爲勝義門。菩薩以是如理智照勝義諦門。悉同眞性。無相可得。不居二邊。不存中道。故得證入第一義空慧門也。八者空空

慧門。謂卽空上第一義空之空。爲重空門。菩薩卽以空空智照此空。亦復不存。故得證入空空慧門也。九者。空空復空慧門。謂卽空上空第一義空之空。爲重空重空門。菩薩以是空空復空智照此空。亦復空。故得證入空空復空慧門也。十者。空空復空空慧門。謂卽空上空空復空之空。是名爲究竟一切空空復空空門。此空亦復當空。以是無空之空。空無所空。是則無所得空。故得證入空空復空空慧門也。如是十空慧門。惟此八地所證下地

諸菩薩等。各所不知也。言虛空平等地者。此舉位分以顯德也。蓋言下地各所不能知者。謂此菩薩得證虛空平等地理智。不但十空而已。更有不可說不可說神通道智門。而下地諸菩薩猶不能知也。神謂神妙難測。通謂變通無礙。道卽道理難窮。智卽智慧無量。所謂佛眞法身。猶如虛空應物現形。如水中月。種種神通道智。皆悉平等。故能以一念智悉皆了知。一切染淨諸法。分分別異。隨根施攝。而復能入無量佛國土中。承事諸佛。一一佛前

諮受聽法。勇猛精進。復轉不退法輪。度與一切衆生。而以法藥施及一切衆生。是故爲大法師。爲大導師。破壞四魔。四魔旣破。法身具足。以法身具足故。而能展轉化化。入於佛界。

是諸佛數。是諸九地十地數中。長養法身。百千陀羅尼門。百千三昧門。百千金剛門。百千神通門。百千解脫門。如是百千虛空平等門中。而大自在。一念一時行。劫說非劫。非劫說劫。非道說道。道說非道。非六道衆生。說六道衆生。六道衆生。說非六道衆生。非佛說

佛。佛說非佛。而入出諸佛體性三昧中。反照順照逆照。前照後照。因照果照。空照有照。第一中道義諦照。是智惟八地所證。下地所不及。不動不到。不出不入。不生不滅。

此明住無間心也。是諸佛數等者。謂此菩薩。即是諸佛之數。即是九地十地數中。長養法身。即得百千陀羅尼總持門。百千三昧正定門。百千金剛不壞門。百千神通變化門。百千解脫方便門。如是百千種種法門。於虛空平等門中。得大自在。云何自

在於一念一時皆能行故也。仁王般若云。不動菩薩二禪王。得變易身常自在。能於百萬微塵刹。隨其形類化眾生。悉知三世無量劫。於第一義常不動。是也。劫說非劫等者。申明自在之義。言劫說非劫。非劫說劫者。梵語劫波羅。此云時分。言劫有大小長短。時分不同。如諸天有拂石劫。地獄有芥城劫。人間有輓轡劫。菩薩修行究竟經過三大阿僧祇劫。斷盡無明之時。方得成佛。是名爲劫。如是等劫。本非實有。名爲非劫。故云劫說非劫。非劫說劫。

也。非道說道。道說非道者。造諸惡邪見等業。故云非道。修十善菩提道法。故云道也。對非道而言正道。因正道而言非道。求其正道。及與非道了不可得。故曰非道說道。道說非道也。六道卽凡。非六道卽聖。因凡說聖。因聖說凡。如是究竟。凡聖之相。實不可得。故曰非六道眾生。說六道眾生。六道眾生。說非六道眾生也。魔外卽佛。佛卽魔外。魔界佛界。求其異體。亦不可得。故曰非佛說佛。佛說非佛也。如是體性虛空地平等境界。無有延促。無有善惡。

無有聖凡無魔無佛。一時俱是一時俱非。逆行順
行。逆說順說。無非方便無非佛事。所謂或是或非
人不識。逆行順行。天莫測也。而入出諸佛體性三
昧中者。謂此菩薩若入若出。或隱或現。皆不離諸
佛體性三昧中。得大自在也。以下十種智照。發明
出入諸佛體性三昧中不思議境界之義。反照順
照。逆照者。謂反照本來時。云何順無明流。逆真如
理。起一切染法。復云何順真如理。逆無明流。起一
切淨法。故云反照等也。前照後照。因照果照者。謂

前照無始無明不覺之苦因。後照生生死死業繫
之苦果。又前照始覺清淨之樂因。後照本覺究竟
之樂果。故云前照等也。空照有照。第一中道義諦
照者。謂空照照真離一切相。有照照俗。卽一切法
是以照真非真。照俗非俗。二邊不住。中道不立。離
卽俱非。故云第一中道義諦照也。如是十種智照
惟是入地所證。其在下地菩薩各所不及。何故。謂
此菩薩所證真如。不動不到。以離動到相。故不入
不入。以離出入相。故不生不滅。以離生滅相。故於

此智定照與照者同時寂滅也。

是地法門品無量無量不可說不可說。今以略開地中百千分。一毛頭許事。羅漢品中已明。

此總結顯所證一切功德以明解脫心也是地法門等者。謂此菩薩所證一切法門無量無量不可說不可說法品無有限量非言說所及者。今略開地中功德百千萬億分中。如一毛頭許事而已。此處略說。大部內羅漢品中已明斯義。

○九體性華嚴地 一初明斷證義 二正釋文義

法苑珠林卷之三十一

一三

法苑珠林卷之三十一

一正

○初明斷證義

此地菩薩斷一種不欲行障。此即所知障中俱生法執。一分利樂有情事中不欲勤行所起故名之也。並斷二種愚執。一者陀羅尼愚。二者辨才自在愚。此之三法能障九地斷此愚障。方登善慧地。謂此菩薩今得十種無礙智用現前于諸智中。最為殊勝。緣此智用無礙便能永斷愚障。既斷能轉清淨大法之輪。是以善用其慧故名善慧地。所證真如名智自在真如。謂此真如智用自在。以四無礙

智所依止故。菩薩寄位三禪天王。作中千世界主。以一乘法。化導眾生。於十波羅蜜中。力波羅蜜最勝。

○二正釋文義

若佛子。菩提薩埵。佛華嚴體性地。以佛威儀。如來三昧自在王。王定出入無時。於十方三千世界。百億日月。百億四天下。一時成佛轉法輪。乃至滅度。一切佛事。以一心中。一時示現。一切眾生。一切色身。八十種好。三十二相。自在樂。虛空同。無量大悲。光明相好莊

嚴。非天。非人。非六道。一切法外。而常行六道。現無量身。無量口。無量意。說無量法門。而能轉魔界入佛界。佛界入魔界。復轉一切見。入佛見。佛見入一切見。佛性入眾生性。眾生性入佛性。其地光。光光照。慧慧照。明燄明燄。無畏無量。十力。十八不共法。解脫涅槃。無爲一道清淨。

若佛子三句。標名德位。以明勝進心也。佛華嚴體性地者。謂此菩薩所證境界。與佛莊嚴等無差別。華卽行華。嚴卽佛果。所謂修萬行因華。莊嚴一乘。

佛果故。別經名善慧地。此菩薩善入諸佛種類。善用諸佛平等大慧。故名善慧地。以佛威儀等者。正明華嚴體性善慧之用。此菩薩形儀如佛。無二無別。有威可畏。降伏諸魔。制諸外道。此以折門。化導眾生。有儀可觀。開化天人。導引羣生。此以攝門。化導眾生。以佛威儀。是於動中化利眾生。以如來三昧自在王。是於靜中化利眾生。如者。卽本覺義。來者。卽始覺義。以始本不二故。又言來無所從。去無所至。無來無去。故名如來。自在王者。以王卽自在。

義。王定出入無時者。申明自在體用之義。以顯法身能現報身境界。此菩薩若動若靜。若來若去。若坐若臥。四威儀中。皆以如來三昧自在王定出入無時。所謂默時說時。說時默。大施門開無壅塞也。於十方三千等者。以顯報化二身。不離法身境界。良以法身徧一切處。猶若虛空。應物現形。如水中月。以是法身無形無相。能現於色故。於十方三千世界。百億日月。百億四天下中。一時示現成佛。一時示現轉正法輪。一時示現度脫眾生。乃至一時示

現入於涅槃。一切種種佛事。皆以一念心中。一時
示現於一切眾生前。不先不後。所現一切法身。皆
具八十種好。三十二相。自在大樂。與虛空同。具足
無量大悲。無量光明。無量相好。無量莊嚴。非天非
人。亦非六道。是何境界。卽一切法。二諦界外。不墮
數量。以是非天現天。非人現人。乃至非六道身。而
能常行六道。但隨眾生所見所聞。種種不同。隨機
示現。無量身。無量口。無量意。說無量法門品。以是
三輪妙用。而能卽轉魔界入於佛界。或轉佛界入

於魔界。或轉一切諸見。而入佛見。或轉佛見。入一
切見。轉眾生性。而入佛性。復轉佛性。入眾生性。如
是種種轉變。無有二相。且又不止此等境界。其地
智光。光光照。慧慧照。互察諸法。而無窮盡。光光照
者。卽光與光相照。以智能照境。故慧慧照者。卽慧
與慧相照。以慧能了境。故明燄明燄。卽智慧威猛
相。以破所知。無迹象。故無畏。是智慧無障礙。無量
卽智慧無間斷。以此光不屬情境。是本智慧光明
所聚。故云無畏無量也。十力等者。此推廣所言也。

謂此菩薩不但只得光明而已更得具足如來十力十八不共等法及證解脫涅槃無爲一道清淨之理。所謂智光照無量方便無窮盡也。

而以一切眾生作父母兄弟爲其說法盡一切劫得道果。又現一切國土身爲一切眾生相視如父如母。天魔外道相視如父如母。

此明住無間心也。以顯菩薩大慈大悲大誓大願力故。而以十方四生六道一切眾生作父母報恩想。作弟兄扶持想。種種方便爲其說法盡一切劫。

必使俱得道果。始滿菩薩度生本願。此卽卑劣行門之遠因緣。攝受中下眾生機宜故。又現一切國土身相爲令一切眾生各各相視如父如母。又令天魔外道相視如父如母。此卽尊勝行門之近因緣。攝受上根眾生機宜故。

住是地中。從生死際起至金剛際。以一念心中。現如是事。而能轉入無量眾生界。如是無量略說如海一滴。

此明解脫心義。以結當地功德不可思議也。言住

是地中者。此舉人顯德也。此菩薩住是地中。從無明不覺生死輪際起。至究竟本覺金剛輪際止。於其中間。所有凡聖。迷悟染淨。修斷因果。一切差別法門。而以一念心中。如彈指頃。示現如是等事。而能轉入無量諸眾生界。使解脫故。如是無量無邊。不可稱說功德之相。略而說之。如大海水。毛頭一滴相似。

○十體性入佛界地一初明斷證義 二正釋文

義

○初明斷證義

此地菩薩斷一種未得自在障。此卽所知障中。俱生法執。二分法味自在所起能障大法智雲。及所起事業。不現在前。故名之也。並斷二種愚執。一者現大神通愚。二者微細秘密愚。此之三法。能障十地。斷此愚障。方登法雲地。菩薩法身圓滿。性智清淨。空有兩忘。極證中道之理。便能斷盡愚障。既斷故智慧雲。彌滿法界。雨大法雨。充足一切枯槁眾生。故名法雲地。所證真如。名業自在真如。一切業

惑悉得解脫。與真如理得相應故。菩薩寄位四禪
天王。作大千世界主。演一乘法教化眾生。於十波
羅蜜中。智波羅蜜最勝。餘諸波羅蜜。一切功德。至
此俱得圓滿具足。

○二正釋文義一初明所證德 二結讚法門

○初明所證德

若佛子。菩提薩埵。入佛界體性地。其大慧空空復空。
空復空。如虛空性。平等智有如來性。十功德品具足。
空同一相。體性無爲。神虛體一。法同法性。故名如來。

七司摩室摩經卷之三

三

449

應順四諦一諦。盡生死輪際。法養法身無二。是名應
供。徧覆一切世界中。一切事。正智。聖解脫智。知一切
法有無。一切眾生根故。是正徧知。明明修行。佛果時
足故。是明行足。善逝三世佛法。法同先佛法。佛去時
善善。來時善善。是名善善。是人行是上德。入世間中。
教化眾生。使眾生解脫一切結縛。故名世間解脫。是
人一切法上。入佛威神。形儀如佛。大士行處。爲世間
解脫。調順一切眾生。名爲丈夫。於天人中。教化一切
眾生。諮受法言故。是天人師。妙本無二。佛性玄覺。常

佛藏經卷之三

三

450

常大滿。一切眾生禮拜故尊敬故是佛世尊。一切世人諮受奉教故是佛地。是地中一切聖人之所入處故名佛界地。

若佛子三句標顯名德位。以明勝進心也。入佛界體性地者。此菩薩所證一切理智行願諸功德藏。卽與十方諸佛所證境界等無差別。故名入佛界體性地。別經名法雲地。菩薩現無邊身雲。說無邊法雨。故名法雲地。其大慧空等者。申明入佛境界。以顯住無間心也。其大慧空者。卽上空空復空空

慧門。其空既空。空亦復空。如是之空。如虛空性等。徧法界。此卽大圓無垢理聚圓極。乃卽法身境界。法身無相。十方平等。故云其大慧空。空亦復空空。亦復空。卽如虛空性也。平等智有如來性者。此卽平等性智。智聚圓明。乃卽報身境界。以是報身而證法身。故云有如來性。十功德品具足者。此卽成所作智。而功德聚圓成。乃卽化身境界。而此化身。以修諸波羅蜜而成。故云十功德品具足。空同一相等者。釋上十功德品。以明菩薩三身圓顯。十號

齊彰。不卽不離之義。何名十功德品。一者如來空
同一相。體性無爲。此二句者。顯本法身。以本法身
如來無所從來。亦無所去。猶若虛空。無有色相。迭
相見故。以是體性本自無爲。離於施作。故云空同
一相。體性無爲是也。神虛體一。法同法性。此二句
者。顯報身佛。與應身佛。以報化佛。神妙不測。虛徹
靈通。應周沙界。其體無殊。而所現身。卽是法身。是
以心佛眾生平等平等。所云神虛體一。法同法性。
故名如來。二者應供。謂卽應順四諦二諦供也。四

諦有四。四諦。一聲聞人。乃應生滅四諦。二緣覺人。
卽應無作四諦。三菩薩人。以應無生四諦。四如來
者。以應無量四諦。二諦卽是真諦俗諦。以如來五
住究盡。二死永亡。萬行圓成。福慧具足。圓應四諦
二諦之供。乃至盡生死輪。眞如實際。卽以四諦二
諦之法。滋養法身。無有二相。普現法界。饒益眾生。
是名應供號也。三者正徧知。其義有二。二者徧知。
卽以能證正智。及本所證一切聖解脫智。周徧普
覆一切界中。了知一切染淨諸法。若有若無。一切

聖凡根性差別緣起之事。無不明了。是名徧知。二者。正知。謂卽了知一切諸法。皆如實相。無二法故。是名正知。二義合言。是名正徧知也。四者。明行足。明。卽三明。行。卽萬行。謂從因地發心。以智慧覺。明明修行。萬行因華。智慧光明。至佛果時。福慧二嚴。圓滿具足。所以稱兩足尊。故云明行足也。五者。善逝。謂善往返三界。示現受生。出家入山修行。成道轉法。以化眾生。示現涅槃。此乃三世諸佛道法。佛佛道同。古佛儀式。法同先佛法也。佛去時。善善。應

緣而來。示成正覺而來。實無所從。去來吉祥。是名善善也。六者。世間解。謂是地人。能行諸佛善善上德。以是現身。入世間中。廣設教乘。開化眾生。使諸眾生。解脫結習業繫等縛。名世間解脫也。七者。無上士。謂是聖人。能於一切法上。入佛威神。形儀如佛。是以大士行處。一切世中解脫。無能過者。名無上士也。八者。調御丈夫。調。謂調理。如能醫者。善調一切眾病。御。謂駕御。如善御者。善治象馬。世尊。乃是三界醫王。四生慈父。善能除諸眾生身心二病。

使諸眾生離苦得樂善調善御而恆順之名調御
丈夫也。九者天人師謂於天上人間四眾八部眾
中教化一切眾生能使一一諮受法言深解獲益
名天人師也。十者佛世尊謂妙本無二者。卽性覺
妙明本覺明妙。以是性妙本覺無二無相佛性玄
覺充滿法界。不卽不離不隨不變常常大滿其中
妙本無二卽本法身佛性玄覺卽是應身常常大
滿乃卽報身亦名自覺覺他覺行圓滿三身圓具
三覺果滿乃名曰佛能使一切眾生禮拜故尊敬

故乃名世尊。二義合言故名佛世尊也。上明十號
之義下明入佛界地之義。入者趨入也。謂以一切
世人諮受奉教一心皈命以有歸覺路故是爲佛
地。言此佛地能增長一切眾生法身慧命菩提稼
苗故名佛地。是地中一切聖人之所入處故名佛
界地。二義合言故首言入佛界地。仁王般若經云
十方法界一切如來皆依此門而得成佛。若言越
此得成佛者。是爲諸魔所說非是佛說故云。一切
聖人之所入處也。

○二結讚法門一初本土主伴讚 二他方主伴讚

○初本土主伴讚一初本土佛與記 二本土伴讚歎

○初本土佛與記

爾時坐寶蓮華上。一切與授記歡喜。法身手摩其頂。此明究竟圓滿證入妙覺果海。以顯解脫心也。言爾時坐寶蓮華上盧舍那佛。及千華上千釋迦佛。千百億釋迦佛。乃至一切諸佛。皆與此法雲地菩

禪問經旨譯卷上之二

五三

薩授記。即當成佛。劫國莊嚴等事。歡喜踊躍。同以法身清淨光明網相光手。而摩其頂。勸轉法輪也。

○二本土伴讚歎

同見同學菩薩。異口同音讚歎無二。

同見同一見解。謂即同見真如法身實相理也。同學同一師學。謂同學菩薩道同授灌頂職也。以是

同學菩薩皆悉異口同音讚歎無二也。

○二他方主伴讚一初請轉法輪 二讚勝功德

○初請轉法輪

禪問經旨譯卷上之二

五三

又有百千億世界中一切佛一切菩薩一時雲集請轉不可說法輪虛空藏化導法門。

上言授記。此言佛及菩薩同時請轉法輪者。正欲廣傳流通此道。使天上人間。化化不絕也。華嚴十地品云。此地菩薩。以自願力。起大悲雲。現種種身。周旋往返於一念頃。曾徧十方百億那繇他世界。微塵國土。演說大法。請轉法輪。與此義互相發明。

○二讚勝功德

是地有不可說奇妙法門品奇妙三明三昧門陀羅

尼門非下地凡夫心識所知唯佛佛無量身口心意

可盡其源如光音天品中說十無畏與佛道同

此總結顯當地功德。微妙難窮。奇特殊勝也。謂不但具足虛空藏化導法門而已。更有不可心思言議奇妙廣大法門品奇妙三明智慧門奇妙三昧定力門奇妙陀羅尼總持門。此諸法門。非下地菩薩及凡夫心識所能知之。唯佛與佛。現無量身口

心意。乃可盡說其源。所謂惟證乃知。難可測也。法華云。唯佛與佛。乃能究盡諸法實相。義同。此處文

義如大部中。光音天品所說十無畏與佛道同。而無差別也。心地法門。乃十方如來及大菩薩自住三摩地中。受用境界。凡我博地凡夫。依文解義。於教海中。究其心源。是則名爲因戒生定。因定發慧。如法修行。同證如來三摩地中。無二相矣。

佛說梵網經直解上卷之二 終

九百五十五年三月二十二日

丁三

